

APOKALYPSY, TOKO FAHADIMY

FIZARANA I

 Misaotra betsaka anao, Rahalahy Neville. Ny Tompo hitahy anao, ry rahalahiko.

² Manao ahoana, ry sakaiza. Mahafaly izao maraina izao, tombontsoa, na tombontsoa lehibe iray, no holazaiko, ny tafaverina eto amin'ny tabernakla indray ka manana an'ity fotoana ity ho an'ny fanompoantsika maraina sy fiombonana manodidina ny Tenin'ny Tompo. Mino aho fa izao no voalaza indray mandeha hoe, “Faly aho raha hoy izy ireo taminay hoe, ‘Ndao isika ho any an-tranon’ny Tompo.’” Mba hiaraka amin-dRahalahy Neville indray, ary ireo sakaizako tsara sy sarobidy.

³ Ary ataoko fa mangatsiatsiaka kely ny andro, na mafana kely ery aoriana ery. Ary isika dia manana, heveriko, fikopahana vitsivitsy izay azonareo ampiasaina amin'ny tanganareo tahaka an'izao. Raha—raha... manana an'ireo fikopahana isika raha ianareo no manana ny motera, mba hihazonana azy handeha fotsiny. Na, efa nanana andiany iray isika teto, heveriko fa mbola manana azy ireny foana izy ireo. Mahita ny sasany mampiasa an'ireo boky fihirana aho na inona koa. Ary izany dia... ny zavatra iray izay ezahantsika hanaovana an'ireo fotoana, dia ny miala amin'ireo toerana izay—izay mahamay amin'ny ho avy. Noho izany isika dia... Izany no antony maha-eto antsika izao maraina izao, ny hiala amin'ireo toerana ireo. Ary ny zavatra tokana izay afaka manao an'izany, izany dia ny Ràn'i Jesosy Kristy Tompontsika no manao an'izany.

⁴ Ary tena faly aho nandre an'ilay tatitra tsara an'ny fiangonana, hoe mandroso toy ny ahoana izy, manohy miaraka amin'ny Tompo, ary ahoana no ifanarahan'Andriamanitra aminareo ao amin'ireo fanomezam-pahasoavana ara-panahy. Ary tena mankasitraka an'Andriamanitra tokoa aho ny amin'ny fonareo tso-po izay Ahafahany mifanaraka, ary matoky fa hihazona anareo eo afovoan'ilay Lèlana ety sy tery mihitsy Izy, mba tsy hivilianareo amin'Izany hankany amin'ny ankavanana na ankavia.

⁵ Ary te-hisaotra an-dRahalahy Colvin sy ny zananivavy aho, mino aho fa izay ilay izy, izay teto fotoana vitsy lasa izay nihira an'ilay hira hoe, *Tsy Misy Ranomaso Any An-danitra*. Tsara tarehy izany. Mankasitraka an'izany tokoa aho.

⁶ Ary araka ny nolazain-dRahalahy Neville mikasika ahy sy izy taona maro lasa izay, ary afaka milaza an'izany aho mikasika an-dRahalahy Colvin, efa nifankahafantatra nandrity

ny taona maro izahay. Ary ny mandre azy mihira an'ireo hira tranain'ny Filazantsara ka mitaiza an'ireo zanany ao amin'ny lâlan'ny Tompo, tena mahafaly ny foko izany. Manao ahy hifaly ny mahafantatra fa mbola manana vahoaka foana Andriamanitra izay tia Azy sy miahy Azy. Ary mankasitraka isika ny amin'izany.

⁷ Ankehitriny, hatramin'ny niverenako, dia reko fa maro no natao batisa tao amin'ny Finoana, ary tena faly isika ny amin'izany. Mahita ny sakaizako tsara aho, Rahalahy Elmer Gabehart iry aoriana iry. Azoko fa natao batisa tao amin'ny Finoana izy, ary mankasitraka tokoa aho ny amin'izany. Izany dia manao ny ekipa mpihazanay trrainy rehetra any Kentucky ho vonona fotsiny, handray an'ilay fetra fotsiny ihany ankehitriny, sa tsy izany?

⁸ Tsaroako (Ary fantattro fa mihaino ahy i Rodney ao amin'ny efitra aoriana ao, raha efa tafaverina izy, ary mipetraka eto anoloako i Charlie.) rehefa nandeha tany izahay fahiny. Ireo zazalahy rehetra dia tia ny, "Eny, vontsira ilay izy," haka mihoatra vitsivitsy izy ireo raha afaka mahita azy ireny. Dia nandeha aho niresa tamin'izy ireo sy hoe tsy mety izany. Koa ankehitriny izy ireo dia...saiky niova fo ilay vondrona manontolo noho izany dia heveriko fa tokony handeha hankany amin'ilay kantao manaraka izahay ka hanitsy azy ireo any. Hahafinaritra izany.

⁹ Noho izany dia miondrika aho indraindray, tahaka ny mpitoriteny rehetra, miondrika eo amin'ilay lâlana izay efa nandehananareo, ka manontany mikasika an'ireo—ireo zavatra, hoe raha—raha efa namafy an'ilay Voa ianareo.

¹⁰ Ianareo...maro aminareo no mahafantatra tsara an'i Johnny Appleseed any...avy any Amerika. Nahoana, nisy ihany koa le-lehilahy iray tany Suède izay noneverina ho zavatra tahaka an'izany, namafy voninkazo izy. Ary nilaza izy ireo fa izany no antony ananan'izy ireo voninkazo tsara tarehy maro any Suède ankehitriny, dia satria namafy voam-boninkazo izy ireo, na taiza na taiza nahafahany nahita ampanhan-tany iray izay hanirian'ireo voa. Tia voninkazo izy noho izany dia naparitany manerana fotsiny ireo voa. Izy no lasa fa ireo voninkazony dia mbola velona foana.

Ary amin'ny fisarahana dia mamela aorantsika
An'ireo dian-tongotra eo amin'ny fasiky ny
fotoana;

Ireo dian-tongotra, izay ny iray hafa angamba,
Raha misosa eo amin'ny ranomasimbe mihaja
an'ny fiainana,
Rahalahy iray kivy sy vaky sambo,
Eo am-pahitana, no handray herim-po indray.

¹¹ Ary izany no tiantsika rehetra ho hita, hoe zavatra iray izay nataontsika no hanao an'ireo hafa mba—mba hahazo tombontsoa amin'izay nataontsika.

¹² Andro vitsy lasa izay dia nipetraka aho, niresaka tamin'ny sakaizako kely mahatoky eto amin'ny tanàna, dokotera mpitsabo iray, Sam Adair. Dia hoy izy hoe, "Manao ahoana ianao, Bill?"

¹³ Dia hoy aho hoe, "Oh, tena tsara, heveriko, Doc." Hoy aho hoe; "Ary ianao?"

¹⁴ Dia hoy izy hoe, "Oh, marary betsaka." Hoy izy, "Nanana fizahana dimy ambin'ny folo aho tamin'ity tolakandro ity."

¹⁵ Hoy aho hoe, "Eny, tsara izany raha mbola fizahana fotsiny ilay izy ka tsy nahita na inona na inona tsy nety." Hoy aho hoe, "Fantatralo, ny . . ." Niresaka mikasika ny tany aoriana izahay fony izahay mbola zazalahy. Dia hoy aho hoe, "Eny, Doc, tsy fantatro marina hoe hafiriana aho no ho eto. Ao amin'ny fahadimampolo taonantsika isika roa."

Dia hoy izy hoe, "Marina izany, Bill."

¹⁶ Dia hoy aho hoe, "Fa nandritr'ireo taona rehetra ireo, eo amin'ny iraika amby telopolo taonan'ny asam-panompoana ankehitriny, dia nihazona ny foko ho vonona ho an'io ora izay Ahatongavany io aho. Noho izany dia tsy mampaninona izay Ahatongavany."

Noho izany dia hoy izy hoe, "Marina izany."

Hoy aho hoe, "Ny fientanana lehibe indrindra izay ananako dia ny miaina ho an'ny hafa."

¹⁷ Ary hoy izy hoe, "Izany no fiainana, manao ny fiainana ho tena misy, dia rehefa ianao . . . tsy izay azonao atao na tanterahinao ho anao manokana, fa izay azonao atao ho an'ny hafa."

¹⁸ Hitanareo, izany rehefa miaina marina tokoa ianareo. Ary raha sendra misy olona iray eo anivontsika izay tsy mbola nanao an'izany mihitsy, niezaka niaina ho an'ny olon-kafa, dia andramo izany, ka jereo fotsiny hoe tsy mihoatra noho izany ve no tehirizin'ny fiainana ho anareo rehefa tsy hiaina ho an'izay mety azonareo ho an'ny tenanareo avy amin'ny fiainana ianareo fa izay azonareo homena olon-kafa ao amin'ny fiainana. Dia ho hitanareo fa voatahy mihoatra noho ny harena izany na zavatra iray an'ny . . . izay azo eritreretina. Izany dia izay azonareo atao ho an'ny olon-kafa mba hanao ny enta-mavesatry ny fiainana . . . Satria, ny fiainana izy tenany dia enta-mavesatry iray. Ary izany dia hanao an'ilay izy ho maivana kely kokoa ho an'ny olon-kafa. Tsy ho fantatralareo mihitsy ny hafaliana raha tsy efa nanandranana an'izany indray mandeha ianareo, manao zavatra ho an'ny olon-kafa.

¹⁹ Ary noho izany dia izany no mitondra ahy hieritreritra ny amin'ireo iraika amby telopolo taona (tsy ho ela) an'ny

asam-panompoana ho an'ny Tompo. Ary ataoko fa ny lehilahy tsirairay dia mieritreritra ny amin'ny andro iray izay tsy maintsy hahatongavany eo amin'ny asany farany sy ho tonga eo amin'ny orany farany, ary hiondrika eo amin'ilay lâlana ka hahita an'izay notanterahina, hahita an'izay niseho hoe, "Efa nanao zavatra iray ve ianao?" Ary raha... Vao avy nilaza aho, izay ataonareo ho an'ny hafa no mikaonty.

²⁰ Manontany aho mazàna hoe ho inona rehefa tonga eo amin'ny faran'ny lâlako aho, satria tsy fantatsika hoe ho amin'ny fotoana inona izany, tsy misy iray amintsika. Noho izany dia nieritreritra mikasika ny fijerena indray an'ilay lâlana izay nandehanako nandrity ny fiainana aho ka nahita an'ireo havoana samihafa sy ireo lâlan-tsilo sy vatomampy sy ireo toeran-tsarotra sy ireo fandehanana mora, ary izay nataoko tao amin'ireo karazam-potoana ireo. Ho voaseho izany rehetra izany indray andro any amin'ny ora hahalasanako. Ary ho tahaka an'izany ilay izy ho an'ny tsirairay avy amintsika. Hahazo antoka an'izany isika rehetra, hoe izany dia—izany dia ho voaseho ho an'ny tsirairay avy rehefa tonga izany fotoana izany.

²¹ Ary izany no mitondra ahy na mitarika ahy hilaza zavatra iray izay aleoko hangina toy izay hilaza. Mitarika ahy hilaza zavatra iray izany izay izaho... Manorotoro ny foko hatrany amin'ny farany ambany ny milaza an'ilay izy, saingy izay lazaiko dia voatery aho hilaza, eo am-pahafantarana fa raisim-peo izao ka handre azy izao tontolo izao, fa nilaozako ny asam-panompoako nohon'ny—ny antony iray izay ialako tsiny fa tsy maintsy nandaozako. Ary maro aminareeo angamba no efa nandre an'izany, nidiko ny biraoko, sy ny sisa, ary nialako ny saha.

²² Tsy fantattro hoe aiza no hitarihan'ny Tompontsika ahy, ary tsy manana fifehezana an'izany aho, na inona na inona no Hasainy hataoko. Fa mieritreritra ny faran'ny lâlana izay tsy maintsy ahatongavako aho. Ary nandrity ny diam-piaianana dia nanao fahadisoana maro aho izay tena anenenako avy amin'ny foko, nohon'ny, ataoko fa, amin'ny maha-olombelona sy tao amin'ny fahalemena sy ny sisa, manao ny olona iray hanao zavatra na hilaza zavatra izay... ary hihetsika mihitsy aza amin'izay tsy tian'izy ireo hihetsehana amin'ny fomba hafa. Saingy satria ireo fahalemen'ny olombelona, nahoana, isika—manana an'ireo fotoana ireo isika. Fa misy...

²³ Raha misy zavatra iray tao am-poko mba hatao, dia ny handre an'ireo Tenin'ny Jesosy Tompontsika eo amin'ny faran'ity dia ity, hilaza hoe, "Tsara izany, ry Mpanompoko tsara sady mahatoky." Ary matetika aho no nilaza fa ho tiako ny hitsangana eo rehefa nilaza Izy hoe, "Manatôna Ahy"; fa niriako ny handre an'Izany hanao hoe, "Tsara izany." Fa tsy nandre an'ilay Feo aho, tany am-boalohany, nanao hoe, "Manatôna Ahy," tamin'ny

fotoana nanoratana ny Baiboly; fa tena iriako ny handre an’Izany hanao hoe, “Tsara izany.”

²⁴ Ary raha nisy zavatra izay tiako haha-izy ahy foana, sy irian’ny foko haha-izy ahy, dia ny ho mpanompo marina an’i Jesosy Kristy, ny Tompoko sy Mpamonjiko. Tiako hadio ny filazako, hazava tsara, fa nijoro aho, tao amin’ireo fahadisoako rehetra kanefa tia Azy tamin’ny foko rehetra aho. Ary manao an’izany aho izao maraina izao amin’ny foko rehetra.

²⁵ Ary, nohon’ny amin’izany, dia izany no manery ahy hilaza fa ilaozako ny asam-panompoako, izany dia satria misy zavatra mipoitra eo anivon’ny olona izay nahatonga ahy hanao an’izany, izany dia, hoe izaho dia efa nesorina niala teo amin’ny laharako an’ny “mpitoriteny” na “rahalahy” ka nantsoina hoe Jesosy Kristy, ary noho izany dia antsoina... ary izany dia hanisy marika ahy ho antikristy iray. Ary aleoko hihaona amin’Andriamanitra ho toy ny kanosa iray toy izay hihaona Aminy toy ny antikristy iray ka esorina lavitra Azy.

²⁶ Efa nandre an’izany aho ta—taona vitsy lasa izay ka noheveriko fa vazivazy iray ilay izy. Ary nihaona tamin’ny rahalahy vitsivitsy aho (fa tsy mahita na ny iray amin’izy ireo aza aho ato amin’ny favoriana izao maraina izao), roa na telo tamin’izy ireo indray mandeha tao amin’ny dia fanjonoana, ary nanatona ahy izy ireo mikasika an’ilay lohahevitra nanao hoe, “Rahalahy Branham, tsy ianao ve no ilay Mesia voahosotra, ilay Kristy?”

²⁷ Ary nametraka ny sandriko nanodidina ny tendan’ireo rahalahy roa ireo aho, na, izy rehetra, ka hoy aho hoe, “Rahalahy, imbetsaka no niezahako ho mpanompo marina iray an’i Kristy, ka tsy ho tiako ny hilazanareo zavatra iray tahaka an’izany. Ary raha efa izany mihitsy no voalaza mikasika ahy, amin’izay fotoana izay dia hiala amin’ny saha miaraka amin’ny fieritreretana mazava aho, ary ianareo izay manao an’izany no ho tompon’andraikitra ho an’ny fanahy tsirairay izay novonjeko nandrity’izany fotoana izany; hitanareo, nohon’ny nanesorana ahy hiala amin’ny saha.” Ary nihevitra aho fa izany no namarana an’ilay izy.

²⁸ Fa mbola nandre an’izany foana aho matetitetika. Fa tsy izany ilay izy. Ary indray andro tany Canada dia nampiseho etikety kely tamiko ny rahalahy anankiray an’ny zavatra iray izay nataony tao anatin’ny paosiny, nanao hoe “William Branham no Tomponay,” manao batisa amin’ny anaran’i William Branham. Ary kely iray... sarobidy iray... Raha efa fahavaloo iray ilay izy, raha efa fahavaloko ilay izy dia ho fantatro fa vazivazy iray izany. Saingy rahalahy sarobidy iray, malala no nanatona mba hiaiky ny fahotany sy ny fahadisoany ka nilaza ny finoany ahy ho Jesosy Kristy.

²⁹ Ary naharay taratasy aho tany an-trano, sy antso avy any Chicago ary toerana samihafa, nanontany ahy raha mino an'izany dogma izany aho.

³⁰ Ary naharay karazana taratasy rehetra aho izay tonga tao anatin'ireo andro vitsy, sy antso avy any amin'ny toerana samihafa, arak'izany, milaza fa izaho no Kristy. Rahalahy, izany dia lainga mahatsiravina, mahamenatra, tsy masina avy amin'ny devoly! Hitanareo? Hitanareo, rahalahinareo aho. Ankehitriny, hampandositra ny olona rehetra hiala amin'ny saha izany. Hanao ny olona iray izay tia an'i Kristy handositra hiala amin'ilay tena zavatra izany.

³¹ Nanatona ny Tompo aho teto vao tsy ela akory izay, rehefa nandre an'izany voalohany aho, teo amin'ny herintaona teo. Ary noho izany dia nanatona ny Tompo aho ka nanondro tamiko hankeo amin'ny Soratra Izzy hoe rehefa nivoaka hitory teny i Jaona, fa efa tsy nanana mpaminany iray izy ireo teto an-tany nandrity ny taona maro, hany ilay izy ka...gaga izy rehetra tao am-pony, nihevitra fa i Jaona angamba no Mesia. Koa noho izany aho...Jaona, nandeha izy ireo ka nanontany azy, ary nilaza izy fa tsy izany izy. Vakio izany ao amin'ny Lioka ny toko faha-3, andininy faha-15. Ary noho izany...Fa nangingina kely izany, noho izany dia navelako handeha tahaka an'izany ilay izy.

³² Fa noho izany rehefa tonga teo amin'ity ilay izy, tamin'izay fotoana izay dia fantatro fa tsy maintsy misy zavatra vita. Ary milaza an'izao aho, "Hoe ireo fahitana sy ilay Anjelin'ny Tompo izay niseho teo amin'ny renirano," (raha ity no ho hafatro farany na ny zavatra farany ho an'ny fiangonana, ho an'izao tontolo izao) "ireo zavatra ireo dia Fahamarinana, na dia ilay Anjelin'ny Tompo aza."

³³ Ary nipetraka tsara aho raha niantso ahy ho mpaminany imbetsaka ny olona, satria ny *mpaminany* iray ao amin'ny testamenta Anglisy dia "mpitory teny iray fotsiny, mpaminany iray, mpilaza mialoha ny Teny," sy ny sisa. Hahatanty an'izany aho satria afaka hanilika kely an'izany fotsiny ianareo; fa ilay izy rehefa tonga eo amin'ny antsoina hoe "Kristy Voahosotra," na zavatra iray, tafahoatra loatra izany ho ahy. Noho izany dia tsy afaka hahatanty an'izany fotsiny aho.

³⁴ Ary noho izany mikasika...Tonga aho...Rehefa avy nandao an'ilay favoriana tany Canada, dia hitako tany amin'ireo Esquimaux na ireo Indiana tany, fa tonga tany anivon'izy ireo izany.

³⁵ Ary noho izany dia nandrovitra ahy tanteraka izany. Ary ilay dia fihazana izay efa nomaniko ela be, tsy afaka nanao an'ilay izy aho. Natahotra lozam-pihazana iray aho, raha azonareo izay tiako lazaina. Lasa nangovitra aho, ratsy noho ny itsanganako eto ankehitriny. Ary tsy afaka nahatanty an'izany ela intsony aho, ny mieritreritra fa ireo iraika amby telopolo taonan'ny

asam-panompoana dia lasa tao anatin'ny tata-dranon'ny devoly, tao anatin'ny . . . Rehefa lasa aho, dia inona no holazain'izy ireo? "Io izy, izany marina tokoa ilay izy"; ary ny fitaomana rehetra izay nananako teo amin'ny olona, amin'izay fotoana izay dia hitanareo hoe ho aiza izany, ho antikristy iray aho. Ary tsy afaka hahatanty an'izany fotsiny aho!

³⁶ Nieritreritra aho hoe, "Aleoko maty eto ao anatin'ny ala, ohatra hoe lavo eo ambonin'ny basiko aho na zavatra iray, toy izay . . ." Ary hitako fa izaho dia . . . Avy eo dia nieritreritra ny amin'i Joseph keliko aho, sy ny sisa, izay tsy maintsy hotezaina. Ary tsy tao amin'ny toerana hihazana aho, noho izany dia nilaozako fotsiny ireo ala ka tonga tany an-trano.

³⁷ Ary rovidrovittra tanteraka aho nandritry ny teo amin'ny valo na folo andro teo, tao amin'izany toerana izany ka izaho-nihevitra aho fa very ny saiko. Ary nangataka ny olona rehetra fotsiny aho hanalavitra ahy ka hamela ahy hipetraka tsara satria ao anatin'ny toerana iray aho ary mikorontan-tsaina sy sorena ary torotoro potipotika tanteraka.

³⁸ Ary nanontany aho; raha fahavaloko iray ilay izy, dia ho nety tsara, ho nihomehezako fotsiny izany dia nanohy; fa rehefa tonga eo amin'ny hoe ireo rahalahiko sarobidy ilay izy, ireo anabaviko sarobidy, amin'izay fotoana izay dia izany no mandratra ahy. Dia hoy aho hoe, "Tompo, ilay lehibe . . . lehibe loatra ilay zavatra ho ahy, tsy maintsy handeha fotsiny aho ka hametraka an'izany eo an-Tananao. Izaho—tsy mahafantatra na inona na inona hafa hataho aho."

³⁹ Alina vitsy lasa izay, mba hanao an'ilay izy ho azo antoka, dia nanana ny—ny famangiana iray avy tamin'ny Tompo aho. Ary nahita olona iray sarobidy aho . . . nisangisangy . . . ny—ny menarana iray izay mavo sy mainty, ka nanohy niteny tamiko foana, ary ilay—ary namely ahy teo amin'ny ranjo ilay zavatra. Saingy nanan-karena loatra ilay rà ka tsy nisy fiantraikany tamiko ilay izy. Dia njery ambany aho, ary teo amin'izay nanaikerana ahy taloha. Dia niverina haingana aho niaraka tamin'ny basy iray ka notifiriko ilay—ilay zavatra, ary nahavoa teo afovoan'ilay zavatra mihitsy ilay izy.

⁴⁰ Ary nilaza ny rahalahy iray . . . Niverina niaraka tamin'ny basiko aho mba hitifitra ny lohany hiala, fa hoy izy hoe, "Aza manao an'izany, raiso fotsiny ilay tsorakazo mipetraka eo akaikinao io." Ary rehefa nanatodika ny lamosiko haka an'ilay tsorakazo aho, dia niolanolana nankao anaty rano anankiray izy, dobon-drano kely iray fotsiny.

⁴¹ Hoy aho hoe, "Eny, tsy afaka handratra betsaka ela intsony izy ankehitriny satria mino aho fa fantatr'ilay rahalahy (ireo rahalahy) fa izany no nitranga." Hoy aho hoe, "Izany dia . . . Tratry ny ratra mahafaty izy, noho izany dia ho faty izy."

⁴² Ary nanontany ny maro tamin'ireo mambran'ny fiangonako eto aho, ato amin'ity tabernakla ity niaraka tamiko sy Rahalahy Neville, izay nanatona ahy niaraka tamin'io fanontaniana iray io ihany hoe: Rahalahy, ranabavy, tsy efa niezaka ny ho mpanompon'i Kristy marina iray teo anatrehanareo ve aho? Tsy efa niezaka ny ho rahalahinareo ve aho? Ankehitriny, na aiza na aiza ilay izy, dia fanahy iray eo amin'ny olona sarobidy izany. Olona maro no nanontany ahy an'izany. Fa ilay izy dia—ilay izy dia fanahy iray, saingy manantena aho fa androany dia mahazo ratra mahafaty iray izy ary ho faty haingana mba ahafahako hiverina eo amin'ny asam-panompoana. Mandrapahatongan'izany, dia hangataka aminareo tsirairay avy aho, hivavaka ho ahy. Tsy fantattro izay hataoko. Hamidy ny tranoko. Tsy afaka mahatanty an'izany fotsiny aho, izaho—izaho—raha mijanona eto aho, dia ho lasa adala tanteraka fotsiny izao. Ary izaho dia... Mangataka aminareo aho mba hivavaka ho ahy.

⁴³ Ary, tsarovy, raha efa mba nino ahy ianareo, raha efa mba nino ahy ho mpanompon'i Kristy ianareo, dia tsarovy, "Fahadisoana iray izany! Sandoka izany!" HOY NY TOMPO HOE! "Diso izany! Aza miditra amin'izany!" Rahalahinareo aho.

Ndao isika hanondrika ny lohantsika:

⁴⁴ Ray any An-danitra, mangovitra nynofoko, mihenjana miaraka ireo tànako, miforitra ao anatin'ny kiraroko ireo rantsan-tongotro. O Andriamanitra, mamindrà fo. Inona no hany nataoko, Tompo, ho mendrika an'izao? Mivavaka aho mba Hamindranao fo amiko, Tompo, ary amin'ny rehetra. Ary any, sy ireo vahoaka sarobidy malala, enga anie izy ireo hahita ny fahadisoany sy izay efa nataony, Tompo, namaky ny fon'ny rahalahiny ary mba...tsy ny rahalahy irery ihany, fa ny Mpamponjinay, ny Rainay any An-danitra. Mivavaka aho mba Hamelanao anay ny amin'ny fahadisoanay, Tompo. Aoka ny Rà masin'i Kristy ankehitriny hanambatra ny tenanay miaraka, Tompo, ary isaorana anie ilay Tady izay mamatotra ny fonay ao amin'ny fitiavana sy fiombonana Kristiana.

⁴⁵ Andriamanitra, enga anie ilay fahavaloo izay manatona an'ireo rahalahinay sy ireo anabavinay miaraka... enga anie izy handray ratra mahafaty iray ka tsy afaka hisy intsony; enga anie izy ho faty fotsiny, Tompo. Rehefa manao an'izany ianao, Ray, dia hiverina eny amin'ny saha indray aho. Fa mandra-pahatongan'izany, Tompo, dia mpanomponao vaky fo iray aho, miandry, miandry. Any ankoatry ny zavatra azoko atao izany. Miaraka amin'ny ranomaso sy tomany ary miaraka amin'ny faharesen-dahatra no niezahako, Tompo, mafy (Fantatralo ny foko.) hampijanona an'izany alohan'ny hahalasa lavitra an'izany, saingy lasa tany ankoatry ny zavatra azoko atao ilay izy. Noho izany, Ray, dia apetrako eo An-Tànanao izany

avy eto amin'ity polipitra ity izay nitoriako nandrity ireo taona rehetra ireo. Apetrako eo An-Tànanao izany.

⁴⁶ Ankehitriny, Ianao no mikarakara an'izany, Ray, amin'ny Fombanao Masina Manokana. Ary rehefa vita izany rehetra izany ka tapitra ny zavatra rehetra, amin'izay fotoana izay dia hiverina ny Mpanomponao. Mandra-pahatongan'izany dia hiandry aho handre avy Aminao, Tompo.

⁴⁷ Tahio izahay ankehitriny ka omeo fivoriana lehibe izahay androany; raha eto izahay tsy ho an'ity fotsiny ihany, fa mba hanao an'ilay izy hazava fotsiny, am-pahibemaso, eo anatrehan'izao tontolo izao. Mba hahafantaran'izy ireo, Ray, fa tiako Ianao ary mino Anao aho sy efa nanohana Anao, ary—ary tiako ny hanohana. Raha tsy maintsy handeha aho, dia avelao aho handeha, Tompo, miaraka amin'ny fo madio sy tena fanambarana iray fa nino Anao aho ary natoky Anao. Ekeo izany. Ary hidera Anao aho ary homenay Anao ny voninahitra mandritr'ireo taona rehetra izay ho avy amin'ny alàlan'i Jesosy Kristy. Amena.

⁴⁸ Ankehitriny, ao amin'ny Soratra, ndao isika hamadika ao amin'ny Baiboly ao amin'ny... Nihevitra aho izao maraina izao fa ho zavatra tsara iray, raha tsy mampaninona andRahalahy Neville, ny hanohy fotsiny mandritry ny minitra vitsy ao amin'ny...

⁴⁹ Ankehitriny, izaho... Aza mamela ahy handre an'izany indray mandeha intsony voatonona eo anivon'ny iray aminareo. Mivavaha fotsiny ary esory izany, ajanòny izany. Hitanareo? Izaho tsy... Izaho—izaho dia—roa amby dimampolo taona aho, saingy heveriko angamba, raha mitahiry ahy Andriamanitra, dia manana fiainana kely tavela aho, ka tiako ho laniana ho an'i Kristy ny livatra kely tsirairay an'ny fotoako. Noho izany, tsarovy, miala aho satria voatery hanao an'ilay izy aho.

⁵⁰ Ankehitriny, ao amin'ny Bokin'ny Apokalypsy, ao amin'ny toko faha-4 izay nijanonantsika indray andro rehefa tao amin'ny fianarana isika... Apokalypsy, ny toko faha-4, mino aho, teo amin'ny ampahany farany an'ilay andininy, an'ilay toko. Eny, firy no tia ny Apokalypsy? Mahafinaritra! Ankehitriny, mino aho fa isika dia nijanona teo amin'ny faha-5—ny toko faha-5, sa tsy izany? Nijanona isika, ny toko faha-4, ireo Zava-manana efatra. Ankehitriny, dia ndao isika hanatona ny Teny ankehitriny, manadino an'ireo zavatra izay tany amin'ny lasa.

⁵¹ Andriamanitra Ray, Ampionao izahay ankehitriny raha mikorontan-tsaina, saingy manatona ny Teny izahay. Manadino an'izay tany amin'ny lasa, mandroso izahay ankehitriny mankany amin'ny mariky ny antso avy any ambony, antso avy any ambonin'ny asam-panompoana mba ho mpanompo iray an'i Kristy. Omeo anay ny Teny izao maraina izao ka fahano ny fanahinay noana, fa maniry fatratra izahay, Tompo, ary

miandry an'ilay hosotra sarobidy an'ny Fanahy Masina. Tongava eto anivonay, Tompo, mamele ny fahotanay sy ny helokay ary mamele anay ho Mpamponao. Fa mangataka an'izany amin'ny Anaran'i Jesosy izahay. Amena.

⁵² Ankehitriny, efa nandray an'ireo taom-piangonana isika, ireo Taom-Piangonana Fito farany. Ary noho izany, ankehitriny, mino aho fa ny sasany amin'izy ireo dia miezaka ny... dia hanoratra an'izany, ireo taom-piangonana. Avy eo isika dia niditra tao amin'ny toko faha-4-n'ny Bokin'Ny *Fanambaran'I*... Inona izany? *Ny Fanambaran'I Jesosy Kristy*. Ny *Fanambarana*, dia antsoina amin'ny teny Latina hoe, ny *Apokalypsy*, izay midika hoe "voambara, manala an'ilay—ilay sarona, maneho, mampiharihary," mamoaka ny fanambaran'i Jesosy Kristy izay Nisy, Misy, ary Ho Avy, ilay Faka sy Solofon'i Davida.

⁵³ Ankehitriny, ao amin'ny toko faha-4, dia hitantsika fa nakarina nankany An-danitra i Jaona taorian'ny nahitany an'ireo taom-piangonana. Manao fototra kely fotsiny ankehitriny, ary avy eo isika dia...

⁵⁴ Angamba ho tsara indrindra ny mamaky andininy vitsivitsy an'ny toko faha-5, ary avy eo dia hanomboka avy hatrany miaraka amin'ny ilay fototra isika.

Ary hitako teo an-tanana ankavanana'ilay nipetraka teo ambonin'ny seza fiandrianana ny boky iray voasoratra tao anatin sy...ny ivohony, voaisy tombokase tamin'ny tombokase fito.

Ary hitako ny anjely mahery iray niantso tamin'ny feo mafy hoe, Iza no mendrika hanokatra ny boky, sy hamaha an'ireo tombokaseny?

Ary tsy nisy olona tany an-danitra, na teto an-tany, na tany ambanin'ny tany, afaka nanokatra ny boky, na hijery azy.

Dia nitomany aho...satria tsy nisy olona hita ho mendrika hanokatra sy...hamaky ny boky, na hijery azy.

Ary ny iray tamin'ireo loholona nanao tamiko hoe, Aza nitomany: indro, ny Lionan'ny fokon'i...an'i Joda, ny Fakan'i Davida, no efa naharesy hanokatra ny boky, sy hamaha an'ireo tombokaseny fito.

Ary nijery aho, ka, indro, teo afovoan'ny seza fiandrianana sy...ireo zava-manan-aina efatra, ary teo afovoan'ireo loholona, nisy Zanak'ondry iray nitsangana tahaka ny efa voavono, nanana tandroka fito sy maso fito, dia ireo Fanahy fiton'Andriamanitra nirahina hankany amin'ny tany rehetra.

Ary tonga izy ka nandray ny boky avy teo antanana ankavanana'ilay nipetraka teo ambonin'ny sezafiandrianana.

Izany ireo andininy fito voalohany.

⁵⁵ Ankehitriny, ankehitriny, ao amin'ny toko faha-3-n'ny Apokalypsy, dia hitantsika ny fiafarana'ny Taom-Piangonana, izay nifarana tamin'ny Laodikia, ilay taom-piangonana matimaty. Avy eo dia hitantsika fa, taorian'izany avy hatrany, dia nakarina tao amin'ny Fanahy i Jaona, nakarina nankany An-danitra. Ary nahita an'ireo zavatra izay nisy izy, sy izay ho avy, ary ireo zavatra izay efa nisy. Ankehitriny, mahita isika, tsy miseho intsony ny fiangonana hatrany amin'ny toko faha-19-n'ny Apokalypsy, amin'io fotoana io izy dia miverina miaraka amin'ny Tompony, voasasa tamim-boninahitra tao amin'ny Rà.

⁵⁶ Ankehitriny, ao amin'ity andininy farany ity, ho an'ny fototra kely iray mba hanehoana tsara hoe aiza no misy an'i Jaona ankehitriny, dia hitantsika fa tao amin'ilay hafatra farany... Nandinika fohifohy an'izany fotsiny aho omaly, ny sasany amin'ilay foto-kevitra izay noresahako. Ary nakarina tany An-danitra i Jaona ka nahita an'ireo zavatra ireo. Ary voamariko tao anatiny tao fa nanome ahy fanambarana iray Izy, hoe... Fantatrareo, taorian'ny Fitsanganany dia maro no niaraka Taminy, dia hoy ny sasany hoe, "Inona no hitranga amin'io lehilahy izay miankina eo an-Tratranao io (Jaona)?"

⁵⁷ Nitodika Jesosy ka nanao hoe, "Ho inonao raha maharitra mandra-Pihaviko izy?" Noho izany Izy tsy mihitsy...

⁵⁸ Noho izany dia teo no nivoaka ny foto-pampianarana iray. Hitanareo ve hoe mora toy ny ahoana no ahafahan'izany manomboka? Teo no nivoaka ny foto-pampianarana iray hoe-hoe "Jaona dia tsy ho faty mandra-pahitany an'i Jesosy tonga, na mandra-pahatongan'ny Fihaviana Faharoa." Ny Baiboly no nilaza fa nisy foto-pampianarana iray nivoaka avy tamin'io.

⁵⁹ Kanefa, tsy tahaka an'izany mihitsy no nilazan'i Jesosy azy. Hoy Izy hoe, "Ahoanao inona raha maharitra mandra-Pihaviko izy?"

⁶⁰ Ankehitriny, hitantsika fa nakarina nankany an-danitra izy ary nahita nanomboka tamin'io fotoana io ka hatramin'ny fihavian'ny Tompo, toy ny hoe efa teo izy ka nahita an'izany rehetra izany nitranga. Jaona izy tenany dia tsy velona... Velona hatrany amin'ny sivifolo taona mahery izy, ary avy eo dia maty tamin'ny-ny fahafatesana ara-boajanahary (ilay anankiray tokana tamin'ireo apostoly) taorian'ny nahatongavana avy tany amin'ny sesi-taniny tany amin'ny nosy Patmo.

⁶¹ Ankehitriny, misy teboka lehibe izay tiako... (Heveriko fa nesorin'izy ireo ny... ilay tabilao, fa...) Tiako ny hanisy tsindrim-peo kely eo amin'izany alohan'ny hikasihantsika

an'ity zavatra lehibe ity. Oh, be voninahitra ity! Toko iray mahafinaritra, mahafinaritra.

⁶² Ary avy eo ilay tena toko manaraka mihitsy dia manomboka amin'ny fanokafana an'ireo tombokase ireo. Oh, oadray! Ary avy eo isika dia tsy maintsy handingana ka handeha any amin'ireo toerana samihafa ao amin'ny Baiboly, mba hahazo an'ireo tombokase ireo rehefa misokatra izy ireo sy hoe inona ireo zava-miafin'izy ireo. Oh, be voninahitra izy ireo, manankarena mihitsy amin'ny vitamina ara-panahy!

⁶³ Ankehitriny, hitantsika fa ny iray amin'ireo zavatra lehibe izay tiako hitarihana ny fifantohanareo, dia ireo Zava-manan-aina (an'ny ampahany faran'ny toko faha-4) izay hitan'i Jaona niambina an'ilay Fiaran'ny Fanekeena. Tsaroanareo ve hoe toy ny ahoana no nanamboarana azy ireo tahaka ny Isiraely tao amin'ny diany mihitsy? Izy ireo dia banana, ankehitriny, teo amboninhy teo, dia nisy tavan'ny Zava-manan-aina. Ary hitantsika fa ireo Zava-manan-aina ireo dia tsy Anjely, sady tsy olona koa izy ireo. Kerobima izy ireo. Ary hitantsika izy ireo tao amin'ny Testamenta Taloha niaraka tamin'ilay fiara. Hitantsika izy ireo ao amin'ny Testamenta Vaovao. Ary avy eo dia hitantsika izy ireo ao amin'ny Fihavian'ny Tompo indray, ireo Kerobima miambina an'ilay sezan'ny famindrampo.

⁶⁴ Ny sezan'ny Famindrampo izay tsy misy olona afaka nanatona raha tsyefa nisy fanaovam-panavotana iray teo ho an'io olona io, ny fomba tokana izay ny toera-masina... Rehefa voafafy rà izy, amin'izay fotoana izay dia lasa sezan'ny famindrampo iray izy. Fa aorian'ny nanesorana an'ilay rà, amin'izay fotoana izay dia lasa sezan'ny fitsarana iray izy.

⁶⁵ Ary, oh, oadray, tsy nisy olona afaka nahatanty an'ireo fitsaran'Andriamanitra. Ny zavatra tokana azontsika tadiavina dia ny famindrampo, fa tsy fitsarana, tsy fahamari-... fahamarinana. Tsy afaka manatona ny Fahamarinany isika; satria, ny Fahamarinany, dia tsy maintsy mihazona Ny Teniny Izy; ary mihazona Ny Teniny hoe, "Amin'ny andro ihanananao an'izany, amin'izany andro izany dia ho faty ianao." Iza no hila ny fahamarinana? Tsy mila fahamarinana aho. Miantso famindrampo aho. Oadray, aoka ny famindrampon'Andriamanitra... Ary voafafy ny sezan'ny famindrampo!

⁶⁶ Fa nisy fotoana iray ho an'ny fanadiovana an'ilay toera-masina, nefo sezan'ny fitsarana iray izany raha mbola tsy teo amin'ilay seza foana ny rà.

⁶⁷ Ankehitriny, manatona an'io fotoana io isika *ankehitriny*. Manatona isika ankehitriny, ao amin'ity taona ity, fanadiovana an'ilay toera-masina sy ny fihavian'ireo fitsarana eto ambonin'ny tany. Hitanareo? Raha mbola eo foana ny rà, dia tsy afaka mandrava ny tany Andriamanitra; raha

mbola eo foana ny Rà, dia tsy misy olona iray mpanota eo anatrehan'Andriamanitra. Marina ny olona rehetra, satria misy Fanaovam-panavotana iray ho an'ny olona rehetra. Fa raha mandà tsy hanaiky an'io Fanaovam-panavotana io ianareo sy tsy hiditra ao amin'Ny Fanatrehany, amin'izay fotoana izay dia mpanota iray ianareo, any ankoatran'io famindrampo io ianareo. Noho izany dia ianareo ihany no efa nitsara ny tenanareo. Fa ankehitriny raha mbola misy ny famindrampo... Fa rehefa tonga ny fanadiovana ny toera-masina, dia miala eo amin'ny sezan'ny famindrampo ny Rà ary amin'izay fotoana izay dia miraraka eto ambonin'ny tany ny fahatezeran'Andriamanitra. Oh, oadray! Mamindrà fo aminay Andriamanitra, mba tsy ahitana anay tsy misy ny famindrampon'Andriamanitra amin'izany andro izany.

⁶⁸ Ankehitriny, hitantsika eo... Hiezaka aho ny hanao an'ilay izy ho ara-panahy kely eto, na hanao sary azy ho anareo amin'ny tànako, hoe nisy zorony efatra izay nampitobian'ny Isiraelly ny tenany. Napetrak'izy ireo ilay—ilay fiara teo amin'ny afovoany, ary teo amin'ireo lafiny efatry ny tranolay dia nisy foko telon'ny Isiraelly, ary ny telo ampitomboina efatra dia roa ambin'ny folo, na efatra ampitomboina telo, raha ny marina, roa ambin'ny folo. Ary ny telo tsirairay dia nanana loha iray. Ary ny lohan'ny foko tsirairay...

⁶⁹ Ny iray tamin'izy ireo dia Robena, izy dia nitoby foana tany amin'ny—ny atsimo. Izy no ilay lohan'olona. Ary Efraima dia tany amin'ny Andrefana, niaraka tamin'ny foko telo, izy no ilay—ilay omby. Ny... Avy eo teo amin'ny atsinanana dia i Joda, izay ny liona. Ary teo amin'ny avaratra dia i Dana, izay ny voromahery. Ankehitriny, mariho. Tsaroanareo ve izy ireo? Ianareo rehetra dia mahatsiaro tsara azy ireo, ahoana no nanaovantsika sary azy ireo: ny voromahery, sy ny omby, sy ny—ny olona, ary ny liona.

⁷⁰ Ankehitriny, mariho, Joda no niambina ny vavahady atsinanana. Ary Kristy dia “ny Lionan’ny fokon’i Joda.” Hidina avy any amin’ny lanitra atsinanana Izy, hiditra amin’ny alàlan’ny vavahady. Tonga avy any amin’ny vavahady atsinanana avy amin’ny fokon’i Joda Izy. Ary Izy dia “ny Lionan’ny fokon’i Joda.”

⁷¹ Ary hitantsika, ao amin’ny hafatsika ho avy izao maraina izao, fa Izy dia mbola lazaina foana hoe “Ny Lionan’ny fokon’i Joda, ilay Faka, ilay tena fiandohan’i Davida mihitsy.” Davida no mpanjaka, Mandrakizay. Ary Kristy dia mipetraka eo ambonin’ny sezà fiandrianan’i Davida ao amin’ny Ariyo taona, izay Mpanjaka Mandrakizay. “Tsy hisy anankiray mihitsy ho diso an’i Davida.” Haleloia! “Tsy hisy anankiray mihitsy ho diso an’i Davida!” Andriamanitra no nampanantena an’izany, nanao hoe, “Tsy hisy anankiray mihitsy ho diso an’i Davida, tsy misy anankiray.”

⁷² Hoy ianareo hoe, “Ahoana ny amin’izao andro izao, aiza ireo mpitsara Jiosy?”

⁷³ Mbola manana an’ilay Taranaka foana Izzy, Kristy no Zanany araka ny nofo. Misy anankiray mipetraka eo. “Tsy ho diso i Davida.” Marina izany. Ary Kristy io “Lionan’ny fokon’i Joda” io izay nivoahan’i Davida.

⁷⁴ Ankehitriny, hitantsika fa izy ireo no mpiambina an’ilay sezan’ny famindrampo. Niambina an’ilay sezan’ny famindrampo izy ireo. Tsy nisy na inona na inona nanatona an’izany, nandalo teo amin’ireo foko aloha talohan’ny nahatongavany teo amin’ilay sezan’ny famindrampo. Ny olona rehetra izay naniry hanolotra ny ainy, ny Isiraelita tsirairay tao amin’ny toby dia maty talohan’ny nahafahan’ny zavatra iray hiditra tao amin’io toby tany io ka haka an’io sezan’ny famindrampo io. Ary ankehitriny dia hitantsika fa izay no lamin’ny Testamenta Taloha.

⁷⁵ Ary ao amin’ny lamin’ny Testamenta Vaovao dia mahita an’ilay zavatra iray ihany isika, hoe nambenana izany, ilay sezan’ny famindrampo. Oh, manantena aho fa azonareo ilay izy! Mbola ambenana foana ilay sezan’ny famindrampo, mbola manana mpiambina foana. Hitantsika fa ireo mpiambina ireo dia Matio, Marka, Lioka, ary Jaona, miambina ny Bokin’ny Asa, ireo asan’ny Fanahy Masina natao teo anivon’ireo apostoly, dia ny—ny Bokin’ny Asa an’ny Vaovao an’ny Testamenta Vaovao. Ary ireo mpanoratra efatra an’ireo Filazantsara, Matio, Marka, Lioka, ary Jaona, ny rehetra dia miambina an’io sezan’ny famindrampo io mba haneho fa Andriamanitra izany, ny Fanahy Masina amin’izao andro izao. Ny Soratra tsirairay, Matio, Marka, Lioka, ary Jaona, ny tsirairay avy amin’izy ireo dia manohana ny Filazantsara marina an’i Jesosy Kristy Tompo sy ireo asan’ny Fanahy Masina.

⁷⁶ Ankehitriny, rehefa mandeha any ankoatran’Izany isika amin’izay fotoana izay dia tsy izy Izany. Fa manohana an’ilay Hafatra marina Izany! Tahaka ny hitantsika ao amin’ny Asa 2:38, hoe, “Mibebaha, ary aoka hatao batisa amin’ny Anaran’i Jesosy Kristy ho an’ny famelàna ny fahotanareo.”

⁷⁷ Nefa amin’izao andro izao izy ireo dia manaiky ny Anaran’ny “Ray, Zanaka, ary Fanahy Masina” hanaovana batisa. Tsy misy Soratra ho an’izany! Tsy misy fototra. Tsy misy—tsy misy na inona na inona hiambenana an’izany, tsy misy mihitsy! Hoy ianareo hoe, “Matio no nilaza an’izany.” Niambina an’Izany i Matio. Matio 28 . . . 1:18 no nilaza hoe:

. . . toy izao my fahaterahan’i Jesosy Kristy: Rehefa . . .
Maria rening no voafofon’i Josefa, talohan’ny niarahan’izy ireo, dia hita izy niaraka tamin’ny zanaky ny Fanahy Masina.

Izany rehetra izany dia nitranga raha mbola . . .
Josefa vadiny, (raha ny marina) izay lehilahy marina

iray, . . . tsy nikasa hanala baraka azy, dia nikasa ny—ny hametraka azy mangingina, tahaka an’izany.

Fa raha mbola nieritreritra an’ireo zavatra ireo izy, indro, ny anjelin’ny Tompo niseho teo aminy tamin’ny nofy, nanao hoe, Ry Josefa, zanak’i Davida, aza matahotra ny haka an’i Maria ho vadinao: fa izay ao an-kibony dia avy amin’ny Fanahy Masina.

⁷⁸ Noho izany, ny Fanahy Masina sy Andriamanitra ilay Ray dia ilay Olona iray ihany raha tsy izany dia nanana ray anankiroa Izzy. Hitanareo? Noho izany dia hitanareo!

Ary izy hiteraka zaza iray, . . . hiantso ny anarany hoe JESOSY: . . .

. . . ary izany no natao, dia ny mba hahatanteraka . . . nampilazaina ny . . . mpaminany, . . .

⁷⁹ Amintsika Andriamanitra, nantsoina hoe Imanoela, izany hoe Andriamanitra, Ray, Zanaka, ary Fanahy Masina, ao anatin’ny Anarana anankiray (Jesosy Kristy) izay miambina an’io vavahady io manohitra ny fahadisoana.

⁸⁰ Andro vitsy lasa izay tany Chicago, teo anatrehan’ny fikambanan’ny mpitoritenin’i Chicago, Chicago malaza . . . Fantatro . . . Namoha ahy ny Fanahy Masina tamin’ny alina ka niteny tamiko hoe, “Mitsangàna eo akaikin’ny varavarankely.” Hoy Izzy, “Misy vondron’ny mpitoriteny iray eo ary mikarakara sakafo maraina ho anao izy ireo.” Hoy Izzy, “Mitandrema, hanafika anao eo amin’io izy ireo.”

⁸¹ Hoy aho hoe, “Misaotra Anao, Tompo.” Nasehony ahy hoe aiza no homanina izany.

⁸² Dia nandeha aho ary niteny tamin’ny mpitoriteny sasany, Rahalahy Carlson sy Rahalahy Tommy Hicks, hoe ahoana no hisehoan’izany. Hoy aho hoe, “Ilay toerana izaynofandrihanareo, dia tsy ho tahaka an’izany ilay izy. Ho any amin’ny toerana hafa isika.” Niteny hoe ahoana no hipetrahan’i Dokotera Mead; ahoana fa hiditra ny lehilahy mainty hoditra iray, hipetraka tahaka an’izao; sy ny rehetra mikasika an’izany.

⁸³ Noho izany tamin’io maraina io, dia hoy izy ireo . . . Nilaza tamiko ny zanakolahy, hoy izy hoe, “Dada, handeha any amin’io fifamaliana io ve ianao?”

⁸⁴ Dia hoy aho hoe, “Tsy handeha any hifamaly aho. Handeha any aho, voahosotry ny Fanahy Masina, miaraka amin’ny Tenin’Andriamanitra iray izay hiambina an’io sezan’ny famindrampo io, raha mbola eo foana Izzy.”

⁸⁵ Noho izany rehefa tonga tany izahay, talohan’ny nananan’izy ireo anjara iray hanontany zavatra anankiray mihitsy aza, dia niteny tamiko ny Fanahy Masina, nanao hoe, “Ankehitriny no fotoana hilazana an’ilay izy.”

⁸⁶ Hoy aho hoe, “Fantattro ny antony maha-eto anareo.” Ary hoy aho hoe, “Ankehitriny, Rahalahy Hicks, ary ianao sy Rahalahy Carlson, ilay lehiben’ny Christian Businessmen,” hoy aho, “tsy tahaka ny notenenin’ny Fanahy Masina tamiko afak’omaly marina tokoa ve ny zavatra rehetra? Hoe tsy nahazo an’io efitra io ianareo, fa ho eto isika?” Ary tamin’io maraina io mihitsy vao azon’izy ireo ilay izy. Dia hoy aho hoe, “Jereo ankehitriny, ny olona rehetra dia voapetraka tahaka ny Nolazainy fa haha-izy azy mihitsy.” Hoy aho hoe, “Ny zavatra tianareo hanatonana ahy dia eo amin’ny Anaran’i Jesosy Kristy mikasika ny batisa.”

⁸⁷ Ary rehefa izahay... Nanomboka nandray ny Tenin’Andriamanitra ny Fanahy Masina ka nanambara Azy ary nandika Azy tahaka an’izany, rehefa nipetraka teo ireo andiana mpitoriteny triniterana rehetra, nanatsotra ny tànany tao ambany latabatra ary nifandray tànana ka nikoriana tamin’ny takolany ny ranomaso. Ary azoko fa roa amby fitopolo amin’izy ireo no ho avy eto amin’ity tabernakla ity mba hanaovako batisa azy ireo amin’ny Anaran’i Jesosy Kristy.

⁸⁸ Voambina ilay sezan’ny famindrampo, hitanareo, ny Fanahy Masina no miambina an’ilay sezan’ny famindrampo. Tsy maintsy mihazona azy marina tokoa isika... Aoka ilay Tenin’Andriamanitra... ireo iraka lehibe mipetraka eo ireo, Matio, Marka, Lioka, ary Jaona, izay manohana ny hetsika tsirairay an’ity Testamenta Vaovao ity.

⁸⁹ Ary ankehitriny, ankehitriny, izany marina tokoa no nolazaiko tao amin’ny ampahany voalohany an’io hafatry ny maraina io, ndao isika hihazona azy eo voambin’ny Filazantsara. Hitanareo ve? Hitanareo? Hazony eo amin’izay hiambenan’ireo Filazantsara azy mihitsy Izany.

⁹⁰ Ankehitriny, hitantsika eo, fa niambina ny sezan’ny famindrampon’Andriamanitra izy ireo tao amin’ny Testamenta Taloha; ary eo, Matio, Marka, Lioka, Jaona, izy rehetra ireo. Ary na dia ilay Lionan’ny fokon’i Joda aza dia namela ny Ainy mba hiambina an’io sezan’ny famindrampo io, namela azy ho voafafin’Ny Ràny Manokana. Ary eo Izy no mitsangana izao maraina izao, androany, ilay Mpandresy lehibe izay hidina avy any Atsinanana indray andro any ka hahita Azy isika.

⁹¹ Ankehitriny, mivadika haingana isika, satria fantattro fa misy fotoan’ny batisa iray. Inona io Boky voaisy tombokase fito io? Oh, zavatra iray lehibe toy ny inona! Efa voamarikareo ve hoe ahoana no lazainy eto, “Nisy tombokase fito tao *ivohon’ilay Boky*”? Izany dia zavatra iray... Oh, hanampy antsika anie Andriamanitra ankehitriny sy hanome fampaherezana antsika, ary angamba na ho haingana na ho ela dia afaka hanao azy ho azonareo aho. Jereo, tsy voasoratra ao amin’ny Teny ity, voaisy tombokase ao *ivohon’ilay Teny* izany. Voaisin’ireto tombokase fito ireto tombokase ilay Boky. Voaisy tombokase ao anatin’ireto

tombokase fito ireto ny zava-miafina manontolo an'ilay Boky. Ity no anankiray amin'ireo toko lehibe indrindra ao anatin'ny Bokin'ny Apokalypsy. Jereo:

Ary hitako teo an-tanana ankavanana'ilay nippetraka teo ambonin'ny seza fiandrianana ny boky iray voasoratra tao anatiny sy... voasoratra tao anatiny (Ny tao anatiny dia voasoratra, izany no novakantsika izao maraina izao.) ary...ny ivohony, dia voaisy tombokase tamin'ny tombokase fito.

Ny ivelan'ny Baiboly, tsy lazain'ny Baiboly akory aza izany, ilay izy dia voaisy tombokase amin'ny tombokase fito ato: ireo zava-miafin'Andriamanitra.

⁹² Ankehitriny, inona izany? Ankehitriny, mariho. Ny tombokase iray dia maneho vokatra iray vita, zavatra iray izay efa notsapaina, noporofoina, ary avy eo dia asiana tombokase. Aiza no misy... Manana ny santatry ny famonjena antsika isika ankehitriny satria voaisy tombokase amin'ny Fanahy Masina. Izany no santatry ny famonjena antsika.

⁹³ Ndao isika hiverina any aoriana iray minitra fotsiny. Izaho—manana Soratra iray voasoratra aho eto, maro amin'izy ireo, izaho tsy...tsy hanam-potoana hahavita azy rehetra. Fa ndao isika hiverina ao amin'ny Efesiana, vetivety fotsiny, ka hamaky ny...ao amin'ny toko faha-1-n'ny Efesiana, mba ahafahanareo mahazo an'ilay tena dikany.

Paoly, apostolin'i Jesosy Kristy nohon'ny sitrapon'Andriamanitra, ho an'ireo olo-masina izay any Efesosy,...

⁹⁴ Ary, tsarovy, Jaona no nandefa an'ity taratasy ity nankany amin'ireo Efesiana, nankany Efesosy sy ny mahatoky ao amin'i Kristy, ireo izay nitorian'i Paoly teny sy notezaina, nofahanana tamin'ny Filazantsara. Hitanareo?

...Efesosy, sy ho an'ny mahatoky ao amin'i Kristy...

⁹⁵ Izany dia ireo izay efa ao amin'i Kristy. Ahoana no hidirantsika ao amin'i Kristy? "Tamin'ny Fanahy iray no nanaovana batisa antsika rehetra tao amin'ny Vatana iray," dia ny Vatan'i Kristy.

Ny fahasoavana anie ho aminareo, sy fiadanana, avy amin'Andriamanitra Raintsika, sy...Jesosy Kristy Tompo.

Isaorana anie Andriamanitra sy Rain'i Jesosy Kristy Tompontsika, izay efa nitahy antsika tamin'ny fitahiam-panahy rehetra ao amin'ny toeran-danitra ao amin'i Kristy Jesosy:

⁹⁶ Etrirereto izany ankehitriny! Efa nitahy antsika tamin'ny fahasoaavan-danitra rehetra Izy, fitahiana, raha miara-miangona ao amin'i Kristy Jesosy isika (amin'ny maha-mpino, ilay

Fiangonana voafidy, nantsoina hivoaka, natokana). Nanisy tombokase antsika tamin'Ny Fanahiny Masina Izzy, ary ankehitriny dia manambara amintsika an'ireo zavatra rehetra izay ho antsika amin'ny ho avy. Ankehitriny dia tonga ao amin'ireo tombokase fito isika.

Araka ny nifidianany antsika tao aminy talohan'ny fanorenana an'izao tontolo izao, mba ho masina isika sady tsy misy tsiny... amin'ny fitiavana:

Nifidy antsika mialoha ho amin'ny fananganan'anaka amin'ny alàlan'i Jesosy Kristy ho an'ny tenany, araka Ny sitrapony tsara Manokana...

⁹⁷ Fisainana tsara tarehy toy ny inona ity! Ndao isika hanohy hamaky iray minitra fotsiny. Tiako ny ho tonga etoindrindra eo amin'ny andininy faha-12, sy faha-13, faha-14:

Mba ho fiderana ny voninahiny izahay, izay nahatoky Azy voalohany.

Ao aminy ihany koa no nahatokianareo, rehefa avy nandre ny tenin'ny fahamarinana ianareo, sy ny filazantsaran'ny famonjenareo: ao aminy... rehefa... nino ianareo, no nasiana tombokase tamin'ny Fanahy masina ianareo araka ny teny fikasana,

⁹⁸ "Rehefa nino ianareo." Oh, ry rahalahiko Batista, ahoana no ahafahanareo milaza fa tsy tahaka an'izany Io? Milaza ve ianareo fa mandray ny Fanahy Masina rehefa mino ianareo? Izao no voalaza hoe, "Rehefa mino ianareo amin'izay fotoana izay dia voaisy tombokase amin'ny Fanahy Masina araka ny teny fikasana ianareo." Mariho:

Izany no santavy ny lovantsika hatramin'ny fanavotana an'ilay fananana voavidy, ho fiderana ny voninahiny.

⁹⁹ Ankehitriny, hitantsika arak'izany fa ny tombokase iray dia midika fa "zavatra iray vita izany amin'Andriamanitra, efa milamina hatreto izany." Ary ny mpino tsirairay dia efa voaisy tombokase tamin'io teny fikasana io hatrany amin'ny tena fiandohana mihitsy, satria talohan'ny fanorenana an'izao tontolo izao dia efa voafidy mialoha ho amin'ny fananganan'anaka isika. Talohan'ny hany nanombohan'izao tontolo izao! Oh, fanantenana iray toy ny inona. Manao antsika hitoetra mafy sy azo antoka izany. Vatofantsika iray ho an'ny fanahy izay tsy mihilangilana eto sy etsy, fa mifikitra ao amin'i Kristy, fanantenana iray izay azo antoka. "Nifidy antsika mialoha talohan'ny fanorenana an'izao tontolo izao, ho amin'ny fananganan'anaka amin'ny alàlan'i Jesosy Kristy," Oh, mahafinaritra toy ny ahoana! Tiako izany: "asa vita" amin'Andriamanitra.

¹⁰⁰ Ankehitriny, mameùà ahy hanonona Soratra iray hafa aminareo. “Izay rehetra Fantany mialoha, no Nantsoiny; izay rehetra Nantsoiny, no Nohamarininy; izay rehetra Nohamarininy, no Nomeny voninahitra.” Hatrany amin’ny fiandohana tany, Andriamanitra, tao amin’ny Fisainany lehibe tsy manam-petra, dia efa nahita mialoha Ny Fiagonany ka nifidy azy mialoha ho amin’ny fananganan’anaka amin’ny alàlan’i Jesosy Kristy, mba hanome azy ireo Fiainana Mandrakizay amin’ny fiafaran’ny taona. Zavatra iray tsara tarehy toy ny inona! Rahalahy Neville, manao ahy hahatsapa tsaratsara kokoa betsaka izany. Ary ianao? Oh, hia. Fananganan’anaka amin’ny alàlan’ny Ràn’i Jesosy Kristy!

¹⁰¹ Ankehitriny, mariho raha manohy isika. Ankehitriny, fantatsika fa izany dia vi-... Voafidy mialoha miaraka amin’ny Zanak’ondry isika. Ny Fanahy Masina no Tombokasentsika. Ny *santatra* dia midika hoe “mbola betsaka no ho avy.” Manana an’ilay santatr’Izany fotsiny isika ankehitriny. Ny santatra dia vola aloa mialoha fotsiny (Oh, tsara tarehy toy ny ahoana!), vola aloa mialoha fotsiny izay mihazona an’izany sy miaro an’izany ary mamikitra an’izany mba tsy hisy olon-kafa afaka hikasika azy. Izany no santatry ny fananganan’anaka antsika. Amena. Ny Fanahy Masina ankehitriny no santatra an’Andriamanitra ao am-pontsika (voaisy tombokase), ny fananganan’anaka dia miandry antsika any amin’ny faran’ny lâlana. Zanakalahy sy zanakavavin’Andriamanitra!

¹⁰² Ndao isika hamadika ao amin’ny Soratra iray hafa, haingana mihitsy, nosoratako eto amin’ity pejy hafa eto ity. Romana 8:22, heveriko fa tsara tarehy izany. Ankehitriny, teo am-pianaranana omaly, dia nanoratra Soratra vitsy kely aho teto izay tiako hitodihana.

...fantatsika fa—fantatsika fa ny zava-boahary manontolo dia misento sy miasa ao amin’ny fanaintainana miaraka hatramin’izao.

Ary tsy izy ireo ihany, fa ny tenantsika koa, izay manana ny voaloham-bokatry ny Fanahy, na dia ny tenantsika aza dia misento ao anatin’ny tenantsika, miandry ny fananganan’anaka, am-pahendrena, ny fanavotana ny tenantsika.

¹⁰³ Oh, hitanareo ve izany? “Ny zava-boahary rehetra dia misento,” hoy i Paoly. Ny zavatra rehetra dia misento. Jereo ireo hazo hoe toy ny ahoana no itolomany. Jereo ireo voninkazo hoe toy ny ahoana no itolomany ho an’ny fiainana; mba tsy hamotehan’ny fanala fotsiny azy ireo. Jereo ireo hazo hoe toy ny ahoana no itolomany mba hihazona ny sampany hihira voninahitra ho an’Andriamanitra. Hitanareo? Ny zavatra rehetra, ny natiora rehetra, ny biby rehetra, ny vorona rehetra, toy ny ahoana no hanidinany miala amin’ilay fahavalô haingana

ka mandositra, ny zavatra rehetra dia misento. "Ary isika ao amin'ny tenantsika," hoy i Paoly, "isika dia misento, koa, miaraka amin'izy ireo, satria miandry ny fanavotana ny vatantsika isika."

¹⁰⁴ Fa *ankehitriny! Ankehitriny!* Nanao izy ireo nandritr'ireo taona rehetra ireo mandraka *ankehitriny! Ankehitriny* dia manana ny santatry ny lovantsika isika! Oh, oadray! Inona no ananantsika? Manana ny porofo isika hoe velona Andriamanitra. Manana ny porofo isika fa momba antsika Andriamanitra. Manana ny porofo isika fa tsy nandao antsika Andriamanitra, fa Azy isika ary Izy antsika, satria isika (ao amin'ny vatantsika), isika ankehitriny no tabernakelin'ny Fanahy Masin'Andriamanitra izay miantsoantso hoe, "Aba, Ray." Ary tsy misy na inona na inona hany afaka hanaisotra an'izany. Mifikitra ao amin'i Kristy isika.

¹⁰⁵ Ankehitriny, tsy manana an'izany ireo hazo, tsy manana an'izany ny natiora, kanefa isika dia mbola misento foana miaraka amin'izy ireo satria tsy mbola nandray ny fahafenoan'ny fananganan'anaka antsika isika. Saingy manana an'ilay santatr'izany isika, satria nalaina avy tamin'ireo zavatr'izao tontolo izao ary ankehitriny dia lasa zanakalahy sy zanakavavin'Andriamanitra. Tokony ho karazan'olona inona isika? Oh, oadray, rehefa mieritreritra an'izany isika! Eritrereto izany!

¹⁰⁶ Ankehitriny dia manana an'ilay santatra isika, misento ho an'ilay fananganan'anaka feno ny fanahintsika, saingy ankehitriny isika dia manana ny santatr'izany. Satria mandray ny Fanahy Masina isika, dia izany no santatry ny fananganan'anaka antsika feno na ny famonjena feno. Oh, tsara tarehy toy ny ahoana! Tiako fotsiny izany. Eny àry.

¹⁰⁷ Miandry ny fahafenoan'ny fananganan'anaka isika. Rahoviana izany no hiseho? Amin'ny fitsangana voalohany. Izany dia rehefa hovaina avy amin'ireto zava-boahary ratsy izay maha-izy antsika ireto ny vatantsika ka hanana vatana iray tahaka ny Vatany Manokana be voninahitra isika, "Satria hahita Azy arak'izay maha-izy Azy isika, ary hitovy Aminy isika." Rehefa miseho Izy, dia miseho amin'ny fitoviana Aminy isika. Hanana vatana iray tahaka ny Azy isika, vatana be voninahitra iray nomem-boninahitra, ary ireo fizahan-toetra rehetra sy ireo tolon'ny fiainana dia ho levona ao anatin'ny zavona kely ka hanidina mba tsy hisy intsony mihitsy.

¹⁰⁸ Ary ireto tabernakelin'ny tany izay isentoantsika ankehitriny ireto, miandry an'io santatra io isika—io santatra io... ho an'ny famonjena feno ao amin'ny fahafenoany ho avy. Fa ankehitriny ao anatin'ireto tabernakely tanimanga ireto dia manana Zavatra iray isika izay miteny amintsika fa nakarina hatreto isika. Amena. Inona ny santatra? Izany

dia ilay fandoavana vola kely mialoha izay mihazona azy, Rahalahy Dauch. Izany no santatra. Ankehitriny, fahiny rehefa tia an'ireo zavatr'izao tontolo izao isika, fahiny rehefa nanota isika ka nandeha nanao an'ireo zavatr'izao tontolo izao, ary tsy niraharaha an'Andriamanitra, dia vahiny Taminy isika, tsy nanana an'Andriamanitra, tsy nanana an'i Kristy, tao amin'izao tontolo izao; ankehitriny, nandefa Ny Fanahiny Masina Andriamanitra ary amin'ny alàlany dia nakarina niala tamin'ireo zavatra ireo isika. Ankehitriny dia manana ny santatra isika, ka fantatsika fa efa tafafindra avy tamin'ny fahafatesana ho amin'ny Fiainana isika. Amena!

¹⁰⁹ Eto, raha niezaka aho naneho an'ity tahaka an'izao. Eto no andehanan'ilay mpanota tsotra, eto ambanay eto. Ankehitriny, ny Kristiana dia miakatra avoavo kely kokoa noho ity, miakatra any ambonin'ity karazan-javatra rehetra ity izy. Izany no santatry ny famonjeny.

¹¹⁰ Ankehitriny, mba ahafahanareo mahafantatra hoe rahoviana...inona no ataon'ny fahitana aminareo. Mianiana aho, Andriamanitra no mpitsarako, tsy mikasa hanana anankiray hafa mihitsy aho. Raha misy izany, dia hazoniko ho ahy irery izany, hitanareo, satria hitako izay ataon'izany. Tsy vonona ho an'ny asam-panompoana iray tahaka an'izany olona, noho izany dia tsy maintsy mamela an'izany handeha fotsiny ianareo, hitanareo, mandeha manketo. Fa raha mba hiverina eny amin'ny saha indray aho, dia ho evanelista iray. Fa jereo eto. Eo amin'ity eto ity, miverina eto, eto ambony eto, miakatra ao amin'ity an'ny Lanitra eto ambony eto ity ianareo. Mianina eo ambony eo ao amin'ireo faritra ireo mihitsy ianareo. Mandeha any ankoatry ny zavatra rehetra izay azon'ny olona eritreretina ianareo, any ankoatr'ireo zavatra ireo. Ary izany no mampakatra anareo ao anatin'ireo toerana any ireo.

¹¹¹ Fa, hitanareo, ankehitriny isika dia manana, amin'ny alàlan'ny Fanahy Masina, an'ilay santatry ny lovantsika satria efa nakarina any ambonin'ireo zavatr'izao tontolo izao isika; ary mandeha miaraka amin'izao tontolo izao mihitsy, saingy any ambonin'izao tontolo izao isika! O Rahalahy Neville, hamindra fo anie Andriamanitra ka hanaiky ho an'ilay Fianganan'Andriamanitra velona...

¹¹² Rehefa sendra tonga eo amin'ny toerana iray isika hiheverana fa ny fiangonana, fiangonana iray tsara tarehy, hoe, "Miezaka isika ny hitaha amin'ireo zavatr'izao tontolo izao. Miezaka isika ny hanana ekipan'ny basikety tsaratsara kokoa noho ny ananan'izy ireo. Isika tokony hanana ny-tranobe iray tsaratsara kokoa. Isika tokony hanana lalao banco tsaratsara kokoa. Isika tokony hanana an'ity tsaratsara kokoa sy itsy, na itsy." Nahoana, ahoana no mba ahafahantsika hampitaha an'Izany amin'ny famirapiratana sy ny fanjelanjelatr'izao tontolo izao? Isika tsy...Ny Filazantsara

dia tsy *manjelatra*; Izy dia *manjopiaka*. Misy fahasamihafana eo amin'ny famirapiratana iray sy manjopiaka iray.

¹¹³ Hitanareo, mandeha mihodinkodina fotsiny isika, araka ny nolazaiko, mitondra faty anankiray—anankiray avy ao amin'ny tronom-paty iray mankany amin'ny iray hafa, manova an'ireo mambra sy ny zavatra tahaka an'izany. Eny, inona no soa ataon'izany amintsika? Ary miezaka isika ny hanao azy hamirapiratra, lakolosy goavana tsara, toerana tsara goavana be. “Tokony hanana anankiray tsaratsara kokoa noho ny Metodista isika na anankiray tsaratsara kokoa noho ny Batista, ary hiezaka isika ny hifaninana amin'ny Katolika, ary hanana lalao banco sy fety sy sakafo hariva sy famalifaliana, ary ny zavatra rehetra isika.”

¹¹⁴ Tsy afaka hitaha amin'izao tontolo izao mihitsy ny fiangonana. Ahoana no ahafahanareo sy ny famalifalian'ny fiangonanareo mba hitaha amin'ny Fikambanana Franc-maçon na—na ny iray amin'ireo olona izay afaka mamalifaly? Tanin'izy ireo izany. Aza miezaka handeha eo amin'ny tanin'izy ireo.

¹¹⁵ Fa manana Zavatra iray izay tsy ananan'izy ireo isika! Manana an'i Jesosy isika. Aoka izy ireo ho tonga eto raha mila zavatra. Mijanòna ao amin'i Kristy. Manana an'i Jesosy isika. Izy ireo tsy... tsy afaka hanana an'i Jesosy izy ireo raha tsy tonga eto. Ary rehefa mandeha any isika, dia any ivelan'ny Taniny.

¹¹⁶ Aza miezaka ny hamiratra. Aoka hanjopiaka! Ary tsy afaka hanjopiaka ianareo, tsy maintsy mamela an'Izany hanjopiaka ao aminareo ianareo. Hitanareo?

¹¹⁷ Ilay kankana manjopiaka kely, tsy manjopiaka izy satria hoe te-hanjopiaka; satria *tena* manjopiaka izy, misy zavatra ao anatin'ny izay manjopiaka. Ao anatin'ny tenany izany, ny tenany no manao an'izany, misy zavatra ao anatin'ny manjopiaka ao aminy fotsiny.

¹¹⁸ Eny, tahaka an'izany ny amin'ny Fanahy Masina. Tsy voatery ho hafa kely isika, ho hafa, ho zavatra iray amboniny, aoka ho afaka fotsiny ka miainà fiainana masina ary avelao fotsiny Andriamanitra ho velona ao aminareo. Hanjopiaka ho an'ny Filazantsara izany. Hitanareo? Tsy mamiratra; *mamiratra*, izany no manao an'ireo rajako hitsambikina amin'ireo zavatra tahaka an'izany, ny zavatra rehetra izay mamiratra. Fantatrareo, izy ireo isan'andro dia mitsambikina eo amin'ny zavatra “izay mamirapiratra.” Fa *manjopiaka* dia ilay “malemy, fahalemempanahy malefaka an'ny—an'ny Fanahy Masina.”

¹¹⁹ Ankehitriny dia miandry an'io fitsanganana io isika. Eny, ankehitriny, azonareo ve? Manaova “amena” raha azonareo, izay tiako lazaina amin'ny filazana hoe “ny santatra.” [Hoy ny fiangonana hoe, “Amena!”—Mpand.] Isika dia efa...Isika—fantatsika fa efa tafafindra avy tamin'ny fahafatesana ho amin'ny Fiainana isika satria nakarina. Nakarina isika tsy

amin'ny tenantsika, fa nakarina niala tamin'ireo zavatr'izao tontolo izao, ka tia ny olona rehetra. Ary tia antsika Andriamanitra, ary fantatsika izany. Ary mandinika ny fiainantsika isika ka mahita fa Izany no Fanahy Masina, satria tsy miraharaha an'ireo zavatr'izao tontolo izao intsony isika. Hitanareo? Eo ianareo izao. Raha mbola tia an'izao tontolo izao foana ianareo na ireo zavatr'izao tontolo izao, amin'izay fotoana izay dia tsy mbola ao anatinareo ny fitiavana an'Andriamanitra. Hitanareo? Fa raha mbola any ambonin'izany foana ianareo, amin'izay fotoana izay dia fantatrareo fa manana ny lovanareo ianareo, hitanareo, ianareo dia—eo amin'ny lalanareo mankany amin'ny fanavotanareo feno ianareo.

¹²⁰ Ary, ankehitriny, tsy ho tonga izany, hitanareo, raha tsy manana aloha isika... Voalohany dia tsy maintsy mahita an'i Jesosy isika. Ary rehefa tonga Izzy, amin'izay fotoana izay dia hanana vatana iray tahaka ny Vatany isika ary hatao mitovy Aminy. Eny àry.

¹²¹ Ankehitriny, mahita zavatra iray izay very isika eto (satria ny Baiboly no niteny an'izany, ary ato amin'ny Boky ato) izay—izay nanavotra antsika. Avy amin'ny inona no nanavotana antsika? Zavatra iray izay tsy maintsy verintsika. Alohan'ny ahafahanareo havotana, dia tsy maintsy misy zavatra izay nanavotra antsika. Ary ny lova rehetra izay nananantsika dia efa—efa navotana indray. Noho izany dia tsy maintsy nanana zavatra isika indray mandeha izay tsy ananantsika ankehitriny, fa tonga ity Zanak'ondry ity mba hanavotra. Hitanareo? Nanana zavatra iray isika izay verintsika.

¹²² Mariho ankehitriny. Inona no navotsotsika? Eny, nomena an'i Adama ny hanana Fiainana Mandrakizay, raha mbola nihinana avy tamin'ilay Hazo foana izy dia nanana Fiainana Mandrakizay. Ary mahamarika indray isika fa i Adama no... izy—izy no nandova ny tany. Izzy no...tahaka ny andriamanitra kely iray teto ambonin'ny tany. Azy ny tany. Ny zavatra rehetra dia nomena teo an-tànanay, afaka nanao an'izay rehetra tiany natao tamin'izany izy. Izzy no nanome anarana an'izany, sy niantso an'izany, ary nanao izay rehetra tiany natao. Zanak'Andriamanitra iray marina tokoa izy.

¹²³ Ankehitriny, tao amin'ny fahalavoana, dia nafoin'i Adama ilay titram-pananana an'izany. Nafoiny ho an'i Satana izany. Satana no nandray an'ilay titram-pananana. Tena kamo i Adama, ka tsy nanavotra ny zony izy satria tsy afaka nanavotra ny zony. Fa i Satana, izay tsy tompon'izany ara-dalàna, fa izy no nanana an'izany, izy no andriamanitr'ity tany ity. Ny Baiboly no niteny an'izany. Izzy no manana an'izany. Tsy satria hoe izy—hoe izy—izy no mahazo azy ara-dalàna marina tokoa, fa izy no manana azy. Ankehitriny azonareo ve ilay izy? Satana no manana an'izany, izy no mihazona an'izany eo an-tànanay. Ny fahafatesana dia eo an-tànanay, ny tany dia eo an-tànanay,

izao tontolo izao dia azy, ny firenena tsirairay dia azy, izy no mitantana sy mifehy an'izao tontolo rehetra izao sy ny zavatra rehetra eto amin'izao tontolo izao. Satana izany!

¹²⁴ Fa isaorana Andriamanitra fa tsy avy amin'izao tontolo izao isika. Hitanareo? Noho izany dia eo—eo ianareo izao. Hitanareo? Ary isika dia . . . Tsy ilay Fiagonana no tiako lazaina; tsy mifehy an'ilay Fiagonana izy. Mifehy an'izao tontolo izao fotsiny izy. Izy no nilaza fa azy izy ireo, ary izy no andriamanitr'izao tontolo izao. Jesosy no nilaza fa efa izany izy, ary izany izy. "Izy no andriamanitr'ity tany ity, nanajamba ny mason'ny olona," ilay andriamanitr'ity tany ity. Izy no ilay Andriamaniry ny Lanitra. Ary ankehitriny dia tsy tompon'ity ara-dalàna izy. Tsy tompon'izany izy.

¹²⁵ Fa nafoiny ny . . . ary nafoin'i Adama ilay titram-pananana ho an'izany, ho an'ity, sy io karazan-javatra rehetra izay ananantsika io, Fiainana Mandrakizay sy ny fandovàna ny tany. Nilaza Jesosy, ao amin'ny Matio 5 hoe, "Sambatra ny malemy fanahy fa izy ireo no handova ny tany." Hitanareo? Ankehitriny, tsy manana azy isika ankehitriny.

¹²⁶ Ary, jereo, tsy ho an'i Adama na ny iray amin'ireo taranany izany. Ny taranak'i Adama dia nahavery tanteraka tokoa ny zavatra rehetra, ihany koa. Tsy ilay taranak'i Adama izany. Tsy mampaninona na impiry no ezahantsika hanatsara tarehy an'ity izao tontolo izao ity, ary impiry no ezahantsika hanao trano goavana tsara sy ny sisa, tsy mbola an'ny taranak'i Adama foana izany. Tsia, tompoko. Tsy nandeha nankany amin'ny taranak'i Adama izany, tsia, tompoko, satria Satana no nanidy azy, nitahiry ary namefy. Marina! Satria nafoin'i Adama izy.

¹²⁷ Ankehitriny, oh, oadray! Eny, marobe ny zavatra azo lazaina. Izaho—tsy te-haka fotoana betsaka fotsiny aho ankehitriny, noho izany isika dia manana, hanao batisa. Eny àry.

¹²⁸ Izy no manana azy saingy tsy tompony ara-dalàna izy, Satana izany. Rehefa ilay tompony ara-dalàna—tompony ara-dalàna—tompony no nahavery azy, dia fomba iray ihany no ahafahan'izany ho havotana. Ankehitriny, izany dia amin'ny alàlan'ny havana akaiky iray, izay ihany no anankiray afaka manavotra azy ara-dalàna. Ankehitriny, mazava ho azy, ity dia azontsika amin'ny alàlan'ny fahaterahana ara-virijiny an'i Jesosy Kristy.

¹²⁹ Ankehitriny, dia te-hilaza zavatra anankiray aho eto. Ny zavatra voalohany izay tstantsika hiverenana, dia, raha miverina isika ao amin'ny—ao amin'ny Testamenta Taloha eto, mino aho fa voaraiko naoty eto any ho any ilay izy, Levitikosy 25. Ao amin'ny Levitikosy 25:23 sy 24, dia afaka mahita an'ireo lalàn'ny fanavotana ianareo, ianareo izay mandray naoty. Mba hanavotana zavatra anankiray rehefa ny olona iray . . . Rehefa nomen'Andriamanitra an'i Israely ny . . . nizara ny taniny

tamin'ny alàlan'i Josoa, ny foko tsirairay sy ny olona tsirairay dia nomena tany iray ka ny zanany no nandova an'izay—izay fananany.

¹³⁰ Ankehitriny, raha lasa mahantre io olona io ka nahavery ny zavatra iray ho an'ny olona anankiray hafa, ity...ary ny fomba tokana nahafahan'izany ho havotana dia tamin'ny alàlan'ny havana akaiky iray. Fa tsy maintsy miverina izany amin'ny farany. Io olona io dia mihazona an'izany fotsiny ihany mandritry ny vanim-potoana anankiray. Tsy maintsy miverina amin'ilay tompony tany am-boalohany izany. Marina! Tsy maintsy miverina amin'ilay tompony tany am-boalohany izany. Ny...raha avy tamin'ny fokon'i Joda izy ireo, raha ilay izy no... Raha tao izy ka nomena ho an'ny rainy io, amin'izay fotoana izay dia azy ilay izy, na havana akaiky iray no afaka haka azy. Fa, ankehitriny, tsy misy olon-kafa afaka ara-dalàna... Afaka nihazona an'izany izy ireo, afaka nihazona an'ilay fananana an'izany izy ireo. Afaka nihazona an'ilay fananana izy ireo mandra-pahavoaloa an'ilay trosa, fa rehefa tonga ilay tena lehilahy, ilay olona izay...

¹³¹ Atao hoe, ohatra, raha nanana sombin-tany iray aho ka veriko ilay izy, ary namidiko tamin-dRahalahy Neville izay avy amin'ny foko iray hafa, an'i Joda, na angamba namidiko tamin'ny vahiny anankiray ilay izy. Ary izy no tompon'izany aradalàna, izy no tompon'izany, afaka miditra ao izy ary mamboly azy ka maka an'ireo vokatra avy aminy, sy ny sisa, fa raha ny marina dia nihazona fotsiny an'ilay fananana izy. “Tsy afaka ho tompon'izany izy,” lalàna iray tao Isiraely izany. Ankehitriny dia mamaky ianareo ao—mamaky ao amin'ny Levitikosy 25, dia ho hitanareo fa tsy afaka ho tompon'izany ara-dalàna izy ireo; *nihazona* fotsiny an'izany izy.

¹³² Eny, ankehitriny, ohatra, ny zanakolahy dia nila... Billy, iry aoriana iry, dia te-haka ny...tonga hividy an'ity tany ity. Eny, amin'izay fotoana izay, raha ilay vahiny na Rahalahy Neville na-na olona hafa iray no tompony, nihazona ny fananana an'izany... Ankehitriny, raha havako akaiky io, havako amin'ny alàlan'ny rà, dia tsy afaka nihazona azy intsony izy. Tsia, tompoko. Tsy maintsy averiny izany, eny, tompoko, rehefa voaloa io vidiny io, rehefa nomeny azy, atao hoe, ireo dimy arivo sy roa alina dolara ho an'ilay sombin-tany.

¹³³ Eny, noho izany, atao hoe, tonga Rahalahy Tony ka manao hoe, “Rahalahy Neville, hividy an'ilay tanin-dRahalahy Branham aho.” Tsy afaka manao an'izany izy.

Hoy Rahalahy Neville hoe, “Tsia, tompoko, tsy te-hivarotra azy aho.”

“Eny, inona no homenao ho an'izany?”

“Dimy arivo sy roa alina.”

“Eny, izaho dia—izaho hanome anao telo alina. Izaho hanome anao an’izao-sy-izao.”

“Tsy ahoako izay tianao. Tsy te-hivarotra azy aho, hohazoniko izy.”

¹³⁴ Fa afaka ho tonga i Billy Paul ka hanao hoe, “Mila ny fananan’i Dada aho, ity ny dimy arivo sy roa alina anao.” Tsy maintsy navelany nandeha izany. Marina izany, satria lalàna iray izany.

¹³⁵ Oh, Haleloia! Hmm! Manantena aho fa hitanareo Kristiana izany. Isika no siran’ny tany. Nomen’Andriamanitra ho an’ireo Zanany izany. Izy no nanome antsika ny fahefana eo amin’ny natiora rehetra, ny biby rehetra, ny fiainana rehetra hatraiza hatraiza. Fa i Adama, ilay raintsika, no namoy an’izany ho an’i Satana. Saingy miverina aiza izany? Mankany amin’ilay Tompony ara-dalana, Andriamanitra Izay nanao azy. Amena!

¹³⁶ Tsy mahagaga raha nilaza i Jaona fa izy dia “nitomany mafy,” satria tsy afaka nahita olona izay mendrika ny hanavotra an’izany izy. Tsy maintsy mendrika ilay olona. Hoy i Jaona hoe, “Nitomany mafy aho rehefa tsy nisy anankiray afaka nandray an’ilay Boky na hijery Azy na hamaha ny tombokaseny.” Hoy izy hoe, “Tsy . . . Tsy nisy olona tany An-danitra, tsy nisy olona tety an-tany, tsy nisy olona tany ambanin’ny tany, tsy nisy olona hatraiza hatraiza.”

¹³⁷ “Tsy nisy olona.” Ankehitriny, tsy hoe tsy nanaja an’ireo Anjely mihitsy izy. Tsarovy, ity tany ity dia tsy nomena ho an’ireo Anjely. Lovan’ny olona izy. Mendrika i Gabriela, azo antoka; mendrika ny olon-kafa iray, mety efa izany i Mikaela. Tsy toy ny . . . Mety ho efa mendrika ny hanao an’izany izy. Saingy tsy nisy olona mendrika. Hitanareo? Dia nitomany mafy i Jaona.

¹³⁸ Hoy ny olona iray hoe, “Satria nahita ny tenany tsy mendrika izy.” Tsy izany ilay izy. Teo ambanin’ny fitaoman’ny Fanahy Masina ilay lehilahy, tsy afaka hanao fahadisoana iray tahaka an’izany izy. Fa izy—izy dia . . . izy—izy dia—izy dia . . . Tsy izy irery ihany no tsy mendrika, tsy afaka nahita olona mendrika izy.

¹³⁹ Koa hoy fotsiny izy avy eo hoe, “Nanatona ny loholona iray na anjely mahery iray, nanao hoe, ‘Aza mitomany, fa ny Lionan’ny fokon’i Joda,’” (Amena!) ““ny Fakan’i Davida, Izay no nandresy!”” Amen! ““Naharesy,”” amin’ny teny hafa. ““Izy no mendrika handray ny Boky!”” Amen.

¹⁴⁰ Tsarovy, tsy mbola nahita Azy izy hatramin’io fotoana io. Nahoana? Izy dia nipetraka teo ambonin’ny . . . nipetraka teo ambonin’ny Seza fiandrianana iray tany, Seza fiandrianan’Andriamanitra. Tany anatin’ilay toera-masina Izy. Tsy mbola nahita Azy izy hatramin’io fotoana io, noho izany i Jaona dia nanantena hahita ny—ny Liona iray hanatona, saingy Zanak’ondry iray no hitany!

¹⁴¹ Eo ianareo izao, rahalahy. Amin'ny alàlan'ny fahalemempanahy, amin'ny alàlan'ny fahamoram-panahy, amin'ny alàlan'ny Fanahy Masina no andresentsika. Tsy olombe iray manam-pahaizana malaza indrindra, fa izay afaka manetry ny tenany no olona izay maharesy. Ny olona izay azo dakàna manerana nefà mbola mpanompon'i Kristy iray foana, izany no mpandresy.

¹⁴² Ankehitriny, hoy izy hoe, “Izy no nandresy. Ary Izy no mendrika handray ny Boky sy hanokatra azy ary hamaha an'ireo tombokaseny.”

¹⁴³ Ankehitriny, ho hitantsika afaka kelikely, angamba tsy androany, fa izay hazonin'ireto tombokase fito ireto, izay nataon'izy ireo.

¹⁴⁴ Ankehitriny, ndao isika handray kely eo amin'ny “fanavotana.” Alohan’ny—alohan’ny ahafahan’io olona io ho... ahafahany manavotra, ny zavatra voalohany, dia tsy maintsy ho mendrika izy, tsy maintsy ho ilay karazan’olona marina izy. Noho izany dia tanteraka io rehefa teraka Jesosy Kristy, fahaterahana ara-virijiny, satria Andriamanitra Izy. Izy no Andriamanitra Izy tenany natao ho olona, Izy no Andriamanitra tao amin'nynofon'olombelona. Izy no tsy maintsy mendrika; ary ny Ràn'i Jesosy Kristy ara-virijiny no nanao Azy ho mendrika. Ankehitriny, hitantsika fa, raha tianareo ny handeha eo amin'ny Soratr'izany, an'ny Petera Voalohany 1:18 hatramin'ny 20, raha mandray naoty an'ireo Soratra ianareo. Izy no tsy maintsy mendrika. Ary izany Izy, satria Nentiny teo Aminy ny endrik'olona. Lasa olona Izy, lasa havantsika Andriamanitra. Ary eo no ahitantsika arak'izany an'ilay ampahany tsara tarehy an'i Jehovah Andriamanitra tonga nofo ka nonina teo anivontsika amin'ny maha-Anankiray mendrika. Amena.

¹⁴⁵ “Izy no nandresy.” Nitafy endriky ny nofon'olombelona Andriamanitra, tonga teto an-tany Izy, teraka ho zaza kely iray ary nandeha teo anivontsika. Ary tamin'ny alalan'Ny Ràny masina no Nandreseny.

¹⁴⁶ Ankehitriny, ao amin'ny Testamenta Taloha, ahoana no tsy maintsy nitakian'ny olona iray ny azy manokana, inona no nataony? Naka loholona iray izy, loholona folo, ary nandeha teo amin'ny vavahady ka nilaza an'izay nataony, mba hanavotra an'izay veriny, ary nameho hoe iza izy, ary nomena vavolombelona iray izy. Mahita an'ilay tantara tsara tarehy isika eto (Satria nanoratra naoty kely iray aho eto mba...mba tsy hanadinoako azy, satria mikorontan-tsaina izao maraina izao.) teo amin'i Rota, ilay havana ary i Boaza. Nianarantsika izany vao tsy ela akory izay. Tiako ianareo hanamarika an'ireo dingana telo an'io fitsaharana io ankehitriny.

¹⁴⁷ Tiako ianareo hanamarika ny fitsaharan'ilay Fiagonana, ilay zavatra iray ihany marina tokoa. Ankehitriny, diniho.

Ny toerana voalohany hitantsika, raha efa nianatra an'ilay toriteny isika rehetra hoe, *Ilay Havana Mahavotra*, tonga nofo Andriamanitra mba ho lasa ilay Mpanavotra. Izay no ilay Anankiray eto ao amin'ny toko faha-5—ao amin'ny toko faha-5. Voalaza hoe:

Ary tsy nisy olona tany an-danitra, na tety an-tany, na tany ambanin'ny tany, izay afaka hanokatra ny boky, na hijery azy.

Dia nitomany mafy aho, satria tsy nisy olona hita mendrika hanokatra ny Boky na hamaky—na hamaky ny boky, na hijery azy.

Ary ny anankiray tamin'ireo loholona nanao tamiko hoe, Aza mitomany: indro, ny Lionan'ny fokon'i Joda, ny Fakan'i Davida, no nandresy mba hanokatra ny boky, sy hamaha an'ireo tombokaseny fito.

Izy no ilay Anankiray, Izy io Anankiray izay jerentsika io.

¹⁴⁸ Mariho hoe ahoana i Rota . . . ahoana . . . sy Naomy, Boaza no sary tanteraka iray mihitsy. Ahoana no nandaozan'i Naomy ny fiangonana tamin'ny fotoan'ny mosary, nandaozany ny firenena, nandeha nankany amin'ny tanin'ny Moabita ary nonina tany sy nivahiny tany. Veriny izay rehetra nananany. Ary rehefa lasa izy, ny vadiny, Elimaleka, dia maty raha mbola tany izy ireo, koa izany no namela ny lovany hilatsaka teo amin'ny olona iray. Avy eo rehefa tonga isika . . . rehefa miverina izy, dia mitondra an'ilay mpitondratena tanora Moabita tsara tarehy miverina miaraka aminy. Ary rehefa nahita an'io mpitondratena io i Boaza, tandindona iray an'i Kristy, dia latsa-pitia taminy izy. Ary tia azy izy. Noho izany, tsy maintsy nanavotra izy, ny fomba tokana hany azony hahazoana azy ho vady dia ny nanavotra an'izay an'ny rahalahiny, Elimaleka, izay veriny.

¹⁴⁹ Ary noho izany izy dia nanontany ny rahalahiny hafa raha hanavotra an'izany izy, anankiray akaiky kokoa noho izy, fa tsy afaka nanao an'izany izy. Noho izany dia nandeha teo izy mba hanao ohatra tanteraka iray an'ireo lalàñ'Andriamanitra. Nandeha nankeo amin'ireo vavahady izy ary nanala ny kirarony, ka nanao hoe, "Aoka ho fantatra amin'ity andro ity fa nanavotra an'izay rehetra nananan'i Naomy aho. Izay rehetra ananany, izay rehetra an'i Elimaleka (rahalahiko) veriny, dia izaho no havana manaraka ankehitriny, ary izaho no anankiray izay afaka manavotra an'izany noho izany dia tonga aho hitaky an'izany. Raha misy olona eto izay afaka maneho antony marina iray hoe nahoana, na olona iray izay akaiky kokoa noho izaho, dia aoka ho fantatra izany." Dia nanohy nanakatona ny vavany ny olona rehetra. Noho izany dia nesoriny ny kirarony ka natsipiny izany ho vavolombelona iray hoe, "Nanavotra an'izay rehetra an'ny rahalahinay aho, Elimaleka, izay nananany." Nahoana? Havana

iray izy. Havana mahavotra iray izy. Oh, tsara tarehy toy ny ahoana ilay izy! Tena tantara iray tsara tarehy izany.

¹⁵⁰ Ary noho izany, nandritr'io fotoana rehetra io, dia nitsahatra i Rota ka niandry mba hahita hoe ahoana no hiafaran'izany. Noho izany dia miverina izy, tsy nisy olona afaka nanome filazana nanohitra an'izany. Niverina izy ary naka an'i Naomy... ary naka an'i Rota, ilay zazavavy Moabita tsara tarehy, ka nivady izy ireo ary nivelonan tao amin'io fananana io. Tantara iray tsara tarehy toy ny inona!

¹⁵¹ Misy ireo dingana telon'i Rota. Rota—Rota, *nanapa-kevitra*; *nanapa-kevitra* izy na handray an'ilay fanapahan-kevitra na tsia, hiverina any an-tanindrazana (tahaka an'ilay Fiagonana mihitsy). Rota, *nitsahatra*; izay no ataon'i Rota ankehitriny (ilay Fiagonana). Ankehitriny Rota, *novalian-tsoa*; ankehitriny dia eo, na, ilay zavatra manaraka mitranga (dia ny valisoa an'ilay Fiagonana).

¹⁵² Ankehitriny, isika tsy afaka... tsy manam-potoana aho, satria manana fotoan'ny batisa ianareo ary amin'ny iraika ambin'ny folo sy fahefany izao. Fa halaintsika angamba ity amin'ny Alahady heriny na Alahady hafa iray amin'ny ho avy, raha sitraky ny Tompo. Ary tiako ny handray naoty an'ity eto, mba haneho an'ireto tandroka fito sy maso fito ireto, ary ireo tombokase fito ireo marina tokoa, asam-panompoana fito, anjely fiton'ny fiagonana, kintana fito, fi.... Oh, ireo vitsivitsy ireo fotsiny...

¹⁵³ Ary eto mihitsy no mifatotra miaraka ilay zavatra manontolo. Eny, tompoko. "Tsy maintsy mendrika," noho izany dia Jesosy no mendrika. Amin'ny Fiverenany dia hankasitraka feno ny fahafenoan'ireo fitahiam-panavotana isika. Ny malemy fanahy no handova ny tany. Ireo lehilahy sy vehivavy dia hiverina ho: zanakalahy sy zanakavavin'Andriamanitra. Ary hanomboka avy hatrany ilay Arivo taona feno. Zavatra iray tsara tarehy toy ny inona!

¹⁵⁴ Ary ilay Anjely mahery miaraka amin'ny feo mafy, manambara hoe, "Iza no mendrika? Iza no afaka hanao an'io?"

¹⁵⁵ Ary avy eo dia hoy ilay loholona hoe, "Aza mitomany, fa ny Lionan'ny fokon'i Joda, Izzy no mendrika ary Izzy no efa naharesy."

¹⁵⁶ "Dia nandray ny Boky Izzy ka nanokatra ny Boky ary namaha ny tombokaseny." Izzy dia tsy niteny an'izay nitranga tamin'izy ireo mihitsy. Rehefa tonga eo amin'ireo tombokase fito izay nisokatra ao amin'ny Baiboly ireo isika, dia diniho izay niseho. Ao amin'ity Boky voaisy tombokase fito izay idirantsika ankehitriny ity mihitsy, no mihazona ny zava-miafina manontolo an'ireo fitahiam-panavotan'Andriamanitra rehetra. Tsarovy, Izzy no Zanak'ondry, Izzy no Anankiray tokana

izay nanavotra an'izany. Ary, tsarovy, voaisy tombokase ny tao ivohon'ilay Boky, tsy voasoratra ny tao anatiny. Voaisy tombokase ny tao ivohony, ary tsy voasoratra ny tao anatiny. Ary Izzy no Anankiray tokana izay afaka ny hanokatra an'ilay Boky mihitsy aza na hanambara an'ilay Boky na hanambara an'ireo tombokase, ilay Anankiray tokana izay afaka nanao an'izany.

¹⁵⁷ Noho izany dia ity no zavatra anankiray, mety hifamaly mikasika an'ity ato ity izy ireo, mikasika ny hoe inona izany, saingy Izzy no Anankiray izay mandika an'Izany am-pahamasinana. Fa eto amin'ny ivohony eto dia tsy misy olona afaka hanao an'izany. Azy ary Azy irery ihany izany, ary Izzy no Anankiray izay afaka manambara an'ireo zava-miafina fito ireo. Ary diniho hoe ahoana fa ny kely tsirairay an'izany dia mikasika ny fanavotana, ahoana no nanavotana an'ilay Fiangonana ary ho inona ilay navotana.

¹⁵⁸ Oh, ndao isika hitia Azy fotsiny amin'ny fontsika rehetra, hanao an'izay rehetra vitantsika.

¹⁵⁹ Nanoratra tantara iray ny mpanoratra anankiray. (Alohan'ny hamaranako mihitsy ka hamerenako ny fotoana amin-dRahalahy Neville.) Ankasitrahaneareo ve ny Apokalypsy? Oh, tiako fotsiny izany. Naka teo amin'ny andininy telon'izany fotsiny isika izao maraina izao, fa halaintsika indray izany. Mariho. Isika fotsiny . . .

¹⁶⁰ Nanoratra boky mikasika ny zazavavy tanora iray izay niezaka hahita an'Andriamanitra ny mpanoratra iray.

¹⁶¹ Ary matetika isika no mitady an'Andriamanitra sy miandry an'Andriamanitra, ary raha hatraiza hatraiza fotsiny Andriamanitra ka ianareo . . . Nanana goavana be iray Izzy . . . Eny, raha nanana sezà fiandrianana goavana be iray Izzy nipetraka eto any ho any, dia hino an'Andriamanitra ny olona rehetra amin'izay fotoana izay. Raha nipetraka teo ambonin'ny sezà fiandrianana goavana iray eto any ho any Andriamanitra; atao hoe, "Mipetraka ao amin'io tanàna anankiray io Izzy ary io Izzy. Io no Andriamanitra ka manatòna Azy ianareo. Izzy dia afaka fotsiny" [Manapoapoaka ny rantsan-tanany Rahalahy Branham—Mpand.] "hamadika an'izany tahaka an'izao," nahoana, hino Azy ny olona rehetra. Amin'izay fotoana izay dia ho foana ny finoana. Tsy hila hanana finoana mihitsy isika amin'izay fotoana izay, hitanareo, ho izany ilay izy. Ho ao amin'ny Arivo taona izany, fa ankehitriny dia miantsosy Izzy ary miezaka ny hahita an'ireo izay . . . Toa mahagaga sy maizina izany, ary, tsy fantatrareo hoe ahoana no anaovana azy. Fa amin'ny finoana no inoantsika an'Izany! Mino isika. Izany no antony isian'ity. Azonao ve izany, Rahalahy Elmer? Hitanao? Izany . . .

¹⁶² Ankehitriny, raha nipetraka teo ambonin'ny sezà fiandrianana iray Andriamanitra. Ka nanao hoe, "Nahoana,

indro Izy...io Izy...indro Andriamanitra. Mipetraka ao amin'ny toerana anankiray Izy, handeha hankany isika." Ka manao hoe, "Tompokolahy Malala, Andriamanitra, hanao an'izany ve ianao?"

"Eny, Hataoko izany." "Psst!" Dia ho vita ilay izy, hitanareo. "Eny, mazava ho azy, izany Andriamanitra. Hitanareo? Oadray, hitantsika izany." Noho izany dia tsy hila...ho lasa foana ny finoana. Tsy tsara ny finoana rehefa pozitifa ianareo.

¹⁶³ Ahoana moa raha Kristiana ny olona tsirairay ato amin'ity izao tontolo izao ity? Ahoana moa raha ny olona rehetra no—no Kristiana feno ny Fanahy? Nahoana, tsy hila finoana intsony isika, tsy hila finoana mihitsy. Ary ny finoana no tena—no tena zavatra izay namonjena antsika, dia ny finoana. Ary izany no antony tsy maintsy hisian'ny sasany tsy hanaiky an'Izany, mba ahafahantsika mampiasa ny finoana. Azonareo ve ilay izy ankehitriny? Tsy maintsy manana an'ilay ilany hafa ianareo. Hitanareo? Tsy maintsy manana vehivavy ratsy iray ianareo mba hanao anankiray tena izy hiseho marina. Hitanareo? Tsy maintsy misy lainga iray hanao ny Fahamarinana ho pozitifa ary hanao Azy hamiratra tsara. Raha Fahamarinana ny zavatra rehetra, dia ho tena mahazatra fotsiny Izany, hitanareo. Hitanareo? Fa, hitanareo, zavatra iray an'ny mpanjaka izany, zavatra iray tena misy izany, rehefa ny Fahamarinana sy ny finoana sy ny sisa. Ankehitriny, eo isika izao.

¹⁶⁴ Ankehitriny, tsy maintsy manana an'ireo momba sy manohitra isika. Tahaka an'izany no andehanany. Tsy maintsy manana andro tsara ianareo mba hanao anareo hankasitraka... na andro ratsy mba hanao anareo hankasitraka an'ilay tsara. Tsy maintsy manana aretina kely ianareo mba hanao anareo hankasitraka ny fahasalamana tsara. Hitanareo? Ary tsy maintsy manana an'ireo lohasahanareo ianareo mba hanao anareo hankasitraka an'ireo tampon-tendrombohitra. Ary noho izany indray andro any dia ho tampon-tendrombohitra izany rehetra izany, ho fahasalamana izany rehetra izany, ho Andriamanitra izany rehetra izany, ho fifaliana izany rehetra izany, izao fotsiny...hisy—hisy fifaliana tsy hifarana. Fa mandra-pahatongan'izany fotoana izany, hitanareo, dia tsy maintsy manana an'io momba sy manohitra io isika.

¹⁶⁵ Ankehitriny, ny olona rehetra izay mahazo an'izany, dia manaova "Amena." [Hoy ny fiangonana hoe, "Amena!"—Mpand.]

¹⁶⁶ Io zazavavy io dia niteny fa niezaka izy ny hahita an'Andriamanitra na taiza na taiza nalehany. Nandeha nankany amin'ity fiangonana ity sy itsy fiangonana itsy izy, ary inona koa, saingy tsy afaka nahita an'Izany. Ary indray mandeha dia hitany izany teo am-pandehanana teny an-dàlana, nisy lehilahy kely, antitra nandeha teny an-dàlana, lehilahy kely

iray, ary nanana katedraly iray manontolo goavana izy tao andamosiny. Nandeha teny an-dàlana izy. Dia hoy izy hoe, “Oh, ry lehilahy tsara!” Hoy izy hoe, “Oadray, tena mahafinaritra ny ataonao,” hoy izy, “saingy ianao—ianaо—mitondra an’ilay zavatra manontolo eo amin’ny lamosinao ianao.” Hoy izy hoe. . . “Hanorotoro anao izany.”

Hoy Izy hoe, “Tsia tsy hanorotoro Ahy izy,” hoy Izy, “satria Izaho no Vatolampy izay iorenany.” Izy izany.

Ndao isika hivavaka:

¹⁶⁷ O ry Vatolampin’ireo Taona, tena faly aho fa miditra fotsiny ao amin’ilay katedraly, mahafantatra fa mitsahatra eo ambonin’ilay Vatolampy izahay. Oh, hoy Izy, ilay Vatolampy hoe, “Taratasy fotsiny ihany izany.” Ary raha nanomboka nifindra haingana niaraka tamin’izany ilay Vatolampy, dia nanomboka naneno tao anaty ireo lakolosy tsara tarehy. O ry Vatolampin’ireo Taona, afeno ao amin’ny Famindramponao izahay. Ento eo amin’ny lâlana sy ny reniranon’ny fiainana izahay mba ho feno fifaliana ny fonay ary hampikorintsana fiderana Anao manerana ny lâlana rehetra.

¹⁶⁸ Misaotra Anao izahay noho ity famangiana ity izao maraina izao an’ny Fanahy Masina ao amin’ny Teny, araka ny Ahatongavany sy anaovany ny Teny ho tena misy aminay. Mamelà an’ireo tsirambinay sy izay rehetra nataonay na nolazainay ka diso, mamelà anay amin’izany. Ampio izahay mba ho Kristiana tsaratsara kokoa, Andriamanitra Ray. Mivavaka izahay mba hitoetra eo aminay ny Famindramponao.

¹⁶⁹ Mangataka aho, Tompo, raha izany no Sitraponao, mba afaka hiverina tsy ho ela indray izahay ka—ka hamarana an’ireto toko eto ireto ary haka an’ireto tombokase fito ireto. Izahay dia—manantena an’izany fotoana izany izahay, Tompo, ka rehefa Ianao—Ianao no—Ianao no hamela anay hanao an’izany. Ary, Ray, ato amin’ny fiangonana kelinay manokana mihitsy no ivavahanay mba Hanekenao an’izany ho anay, mba ahafahanay mahazo an’ireto zavatra lehibe an’Andriamanitra ireto. Tsy hoe satria mendrika an’izany izahay, Tompo, fa ny fonay noana no mivoa-drà ho an’izany. Mivavaka izahay mba Hanekenao an’izany.

¹⁷⁰ Mivavaka izahay ho an-dRahalahinay Neville, Tompo, ny pasiteranay mahatoky nirahin’Andriamanitra. Mivavaka ho azy izahay mba Hanampianao azy sy hitahianao azy, izy sy ny vadiny kely mora fanahy, zavatra kely tsara tarehy, ary ireo zanany kely.

¹⁷¹ Mivavaka ho an’ireo mpitantan-draharaha sy ireo diakona rehetra ary ny olona rehetra izay tonga amin’ity fiangonana ity izahay. Tsy ho an’ireo anay ihany, fa ireo hafa sy ny rehetra izay miantso Ny Anaranao. Mivavaka ho an’ireo sakalizako avy amin’ny manerana ny firenena aho, fampandrenesana iray

fotsiny dia indro eto izy ireo. Ray, izaho—misaotra Anao fotsiny aho ny amin'izany.

¹⁷² Mivavaka aho mba Hanafaignananao an'ilay andro izay hahatongavan'i Jesosy ka hiaraka hiangona izahay rehetra izay tsy hisy andro na alina intsony, na tsy hisy fotoana intsony, hanjavona ao anatin'ny Mandrakizay izany ary eo amin'izay ahafahanay rehetra hiaraka mandrakizay. Ekeo izany, Tompo.

¹⁷³ Ary raha misy sasany ato izao maraina izao, Tompo, izay tsy mahafantatra Anao ho Mpamontjiny, dia enga anie izy ireo haniry hahafantatra tsara an'io Zanak'ondry Izay mihazona an'ilay Bokin'ny zava-miafina voaisy tombokase fito eny An-Tanany io. Andriamanitra, enga anie izahay hahafantatra Azy tsara ka amin'ny ho avy rehefa mahita an'ireo tombokase misokatra izahay amin'izay fotoana izay dia afaka hahita an'izay resahan'Andriamanitra aminay izahay. Mangataka an'izany ho an'ny voninahit'Andriamanitra izahay, amin'ny alàlan'ny Anaran'Ny Zanany, Jesosy Kristy.

Ary raha mbola manondrika ny lohantsika isika:

¹⁷⁴ Hisy olona iray ve hanao hoe, "Tsarovy aho, Rahalahy Branham, raha mivavaka ianao, ary tiako ny ho tsarovana ao amin'ny vavaka"? Andriamanitra hitahy anao. Andriamanitra hitahy anao. Ary Andriamanitra hitahy anao, sy ianao, ary ianao. Eny. Ho tsara aminareo anie Andriamanitra. Eny. Angamba tanana efatra amby roapolo, na mihoatra, no mitsangana.

¹⁷⁵ O Tompo, Hitanao ny tanan'izy ireo, Ianao no mahafantatra ny fanirian'izy ireo. Ianao no mahafantatra an'izay ao ampon'izy ireo, izaho tsy mahafantatra. Mivavaka aho mba Hanambaranao amin'izy ireo, Tompo, ny Fahatsaranao sy ny Famindramponao. Omeo famelàna izy ireo na ho an'inona izany na inona. Raha aretina izany, Tompo, dia sitrano ny vatan'izy ireo ka ataovy salama izy ireo. Ataovy Ray, raha mbola eo amin'ny favoriana ny hosotry ny Fanahy Masina, eo amin'ny fiangonana ankehitriny. Enga anie ilay Andriamanitra ny Lanitra lehibe tena hanosotra mihitsy mba Hitahiany ny tsirairay avy ao amin'ny Fanatrehana Masina, mba ahafahanay handeha miala eto izao maraina izao, hanao hoe, "Tsy nangorakoraka tao anatintsika ve ny fontsika?" Ekeo izany, Tompo.

¹⁷⁶ Ankehitriny, malemy sy reraka aho, lasa ny feoko, ary izaho—mivavaka fotsiny aho, Andriamanitra, ho an'ny heriko manokana. Hanampy ahy ve Ianao? Hanatanjaka ahy ve Ianao? Fehezo io ratra kely ao io, Tompo. Ho Sitrakao ve azafady? Aoka ilay Diloiilo Masin'Andriamanitra hidina ao, ary eo amin'ny ratra hafa rehetra, Tompo, hatraiza hatraiza ho an'ny olona rehetra. Te-hiaina izahay, Tompo, ho an'ny Hajanao sy ny Voninahitrap. Ekeo izany. Ary sitrano ny marary rehetra sy ny ory. Ary—ary raiso ho an'ny Tenanao ny voninahitrap, Tompo,

satria fantatray fa tsy ho ela intsony mandra-pahatonganay... tsy banana an'ireto fivoriana ireto intsony izahay; ho lasa izy ireo, ho an'ny lasa izy ireo.

¹⁷⁷ Ankehitriny, Ray, tahio, ankehitriny, mangataka izahay rehetra miaraka amin'ny alàlan'ny Anaran'i Jesosy Kristy.

¹⁷⁸ Ary noho izany, Ray, dia hangataka koa izay mba Hahatsiarovanao an'ireo izay hatao batisa izao maraina izao amin'ny Anaran'ny Tompo Jesosy, mba Hanomezanao azy ireo ny batisan'ny Fanahy Masina, voninahitra sy haja lehibe. Ekeo izany, Ray. Mametraka ny rehetra Aminao izahay ankehitriny.

¹⁷⁹ Ary, Ray, miaraka amin'ny rehetra an'izany, dia mampiditra ny tenako aho. Aza adino aho, Tompo, ampio fotsiny aho ankehitriny. Mivavaka amin'ny Anaran'i Jesosy aho. Amena. 

APOKALYPSY, TOKO FAHADIMY FIZARANA I MAG61-0611
(Revelation, Chapter Five Part I)
ANDIAN'NY FANAMBARAN'I JESOSY KRISTY

Ity Hafatr'i Rahalahy William Marrion Branham ity, izay notoriana tamin'ny Teny Anglisy ny Alahady maraina, 11 Jona, 1961, tao amin'ny Branham Tabernacle ao Jeffersonville, Indiana, U.S.A., dia nalaina avy tamin'ny horonam-peo ary natonta manontolo amin'ny Teny Anglisy. Ity fandikana amin'ny Teny Malagasy ity dia natonta sy nozaraín'ny Voice Of God Recordings.

MALAGASY

©2021 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Filazana fahefan'ny tompon'ny boky

Tsy azo adika. Ity boky ity dia azo atao printy amin'ny fanaovam-printy ao an-trano ho an'ny fampiasana manokana na ho zaraina, tsy misy sarany, ho fitaovana iray hanaparitahana ny Filazantsaran'i Jesosy Kristy. Ity boky ity dia tsy azo amidy, na adika indray amin'ny refy lehibe, na alefa amin'ny siteweb iray, na tehirizina amin'ny fomba nisy nanesorana, na adika amin'ny fiteny hafa, na ampiasaina ho fangataham-bola raha tsy misy alàlana voasoratra mazava avy amin'ny Voice Of God Recordings®.

Ho an'ny fanazavana fanampiny na ho an'ny fitaovana hafa efa azo raisina, dia iangaviana hifandray amin'ny:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org